





遼南府志卷之七十二

古蹟志十八

陵墓一

夏孔冢墓

明一統志在永寧縣東北三嶠山

按三秦記秦謂天子墳曰山漢云陵言高大如山如陵是帝王皆宜稱陵餘乃稱墓也然山陵之名起於秦漢漢以前帝王亦稱墓其稱陵者乃後人追尊之詞茲紀陵墓先列帝王陵墓於前不別各縣但以年代為次尊山陵也而曰陵曰墓一從本書所稱非自亂其例也

夏后皐墓

左傳蹇叔曰殺有二陵焉其南陵夏后皐之墓

也杜注皐桀之祖父

水經註石嶠水出石嶠山山有二

陵南陵夏后皐之墓

元和郡縣志二嶠山又名嶺崆山

在永寧縣北二十八里 輿地廣記永寧縣西北有二疇

山連入硤石界其南 后臯之墓也

夏后趨墓 路史夏后名趨死葬陽城

按夏后無有名趨者而登封今亦無墓可攷姑存路史之說可也

殷湯冢

前漢地理志注尸鄉殷湯所都臣瓚曰湯居亳今

濟陰亳有湯冢師古曰瓚說非也劉向曰殷湯無葬處安

得湯冢 水經注崔駰曰湯冢在濟陰亳縣北皇覽曰亳

城北郭東三里平地有湯冢冢四方各十步高七尺上

平也漢哀帝建平元年大司空史郤長卿案行水災因行

湯冢在漢屬扶風今徵之廻渠亭有湯地徵陌是也然不

經見難得而詳案秦寧公本紀云二年伐湯三年與亳戰  
亳王奔戎遂滅湯然則周桓王時自有亳王號湯爲秦所  
滅乃西戎之國葬于徵者也非殷湯矣劉向言殷湯無葬  
處爲疑杜預曰梁國蒙縣北有薄伐城城中有成湯冢其  
西有箕子冢今城內有故冢方墳疑卽杜元凱之所謂湯  
冢者也而先謂之王子喬冢冢側有碑題云仙人王子喬  
碑 閻若璩四書釋地劉向博極羣書者也告成帝云殷  
湯無葬處直至哀帝建平元年大司空御史長卿按行水  
灾因行湯冢始得之于汾陰亳縣北東郭去縣三里冢四  
方方各十步高七尺上平處平地馬端臨曰今河中府是

故宋太祖乾德四年著諸祀典迄今不易雖有杜預湯冢  
在亳城中魏王泰謂在偃師縣東吾未敢以爲據集注桐  
湯墓所在亦偶誤本孔安國書傳

**李通志成湯冢在偃**

師縣東北有司春秋致祭三歲一遣使祭享

按劉向謂成湯無葬處非無葬處也言葬處者不一家  
不能確指耳今考諸家言湯墓者凡五處而小別者又  
一其言桐宮有湯墓者孔安國之說也四書集注本之  
然亦未嘗指桐宮所在惟後人以桐爲虞城桐地遂於  
虞城求湯墓失前賢意矣其言濟陰亳縣有湯墓者前  
漢書注臣瓚與皇覽之說也皇覽謂在亳縣北東郭去  
縣三里杜預謂在蒙縣北薄城中亳薄一地而爲東郭  
爲城中此又說之小別者也攷水經注引皇覽曰在薄  
北郭東非北東郭杜預所謂蒙縣卽蒙亳曰蒙縣北薄  
城卽亳縣北郭東非有異地但其所謂成湯冢者水  
經注以爲卽王子喬冢冢側有碑蔡中郎撰皇覽乃魏  
文帝書在中郎後不應中郎時不知爲湯冢至魏文帝時

始別為湯冢也且皇覽據漢哀時御史長卿行水得冢

乃在扶風是又一說也濟陰之湯冢水經注固不敢信

扶風之湯冢水經注按秦寧公本紀二年伐湯三年與

秦所滅乃西戎之國葬處非殷湯葬處亦不敢信也其

又謂汾陰有湯墓者閻若璩本馬端臨之說也閻四書

釋地曰漢御史長卿行水災因行湯冢得之於汾陰亳

縣馬端臨以為今河中府是夫濟陰有亳縣汾陰安得

有亳縣蓋傳寫字謬以皇覽之濟陰亳縣為汾陰亳縣

耳濟陰且不敢信况汾陰乎汾陰湯冢即元和郡縣志

太平寰宇記所謂在蒲州寶鼎縣北四十二里與明一  
統志所謂在滎河縣北四十三里者也但太平寰宇記  
曰殷湯陵在寶鼎縣北四十三里後魏太和中有縣人  
張恩破陵求貨其陵下先有石弩以銅為鑲盜開堽門  
矢發中三人皆斃恩更為他計卒取得墓中物其物多  
是鐘磬及諸樂器得其銘恩恐人知以鑄投之汾水後  
千年終困於恩由是執事不復深加其罪明一統志曰  
在滎河縣北四十里元癸未歲淪于河如太平寰宇記

新稱張恩得石銘事既誕安不足信如一統志辨載當  
元癸未已淪于河其冢又無可攷據隆平集乾德四年  
詔給時陵五戸蠲其役仍令長吏春秋奉祀夫汾陰湯  
冢自宋太祖乾德四年著諸祀典迄今且不易禮所謂  
有其舉之莫敢廢焉者也况古聖王精靈所托何處不  
存既列明禋神所棲止雖非湯墓而以爲湯祠焉可也  
若夫致湯墓之所在則當以謂在偃師者近是偃師湯  
冢一徵之魏王泰再徵之李濂通志既非無據且偃師  
湯都湯自南亳徙居西亳固終于西亳塋於西亳矣塋  
近國都尤屬有理據通志在明時亦嘗列諸祀典李登  
偃東北山有所謂湯王陵者去城七八里  
古冢巍然即牧童樵豎皆知爲湯王冢云

殷王冢 郡國志注帝王世紀曰狄泉本殷之墓地在城中

東北今城中有殷王冢是也

按世紀載穀洛城殷王冢不言何王然既稱殷  
當在盤庚以後且曰殷之墓地又似不一冢矣

司昭王陵 明一統志在登封縣小室山陽城西谷



按左傳昭王南征不復而登封  
乃有昭王陵豈當時得返葬與

周桓王陵

太平寰宇記葬河南澠池縣東北一百二十里

周靈王冢

皇覽靈王冢在河南城西南栢亭西周山上蓋

以王生而有髭而神故諡靈王其冢民祀之不絕

水經

注洛水故瀆東逕周山上有周靈王冢

周景王冢

皇覽景王冢在洛陽太倉中秦封呂不韋洛陽

十萬戶故大其城并圍景王冢也 寰宇記帝王世紀云

景王葬於翟泉今東陽門內有夫街北有太倉是景王陵

西南望步廣里北眺翟泉二處相距遠近畧均之也 水

經注皇甫謐曰悼王葬景王於翟泉今洛陽太倉中大冢

是也

按水經注既以景王冢在洛陽城中而于三王陵並存景王之說蓋疑之也詳在下

周三王陵 〔水經注〕洛水故瀆又東北逕三王陵東北出焉

三王或言周景王悼王定王也魏司徒公崔浩注西徂賦云定當爲敬子朝作難西周政弱人荒悼敬二王與景王俱葬於此故世以三王名陵帝王世紀曰景王葬於翟泉今洛陽太倉中大家是也而復傳言在此所未詳矣又悼敬二王稽諸史傳復無葬處今陵東有石碑錄載王以上世王名號考之碑記周墓明矣

按道元所引言三王陵者有二一爲或言以三王爲景悼定一爲崔注以三王爲景悼敬道元又折以己意謂

景王已有冢在洛城中悼敬于史傳無葬處是于前二說所謂三王者皆不敢信但曰為周墓不確指何王蓋慎之也夫二說言三王皆有景王景王既有家安得復在此誠如道元所譏至崔浩西征賦注恐亦傳本有誤水經注箋曰潘岳西征賦云咨景悼以迄旬崔時所傳或作定悼故崔云定當作景傳寫者又誤以崔注景字作敬敬王名旬安得叠言之理如是則道元所引崔注亦非本真今取其三王無景之說而于所引二說叅求之則三王陵當為悼王敬王定王也

周威烈王冢

水經注周威烈王葬洛陽城內東北隅景王

冢在洛陽太倉中翟泉在兩冢之間

按威烈王在敬王後敬王時已城成周遷都矣烏有威烈王復葬城內者乎蓋水經注所謂葬城內東北隅者非周時城內秦漢以後之城內也而水經注但言秦封呂不韋大其城并得景王冢不言得威烈王冢或秦時但併景王冢漢以後乃併得威烈王冢歟○又按隆平集桓靈景威烈四王墓乾德四年詔州縣常禁樵採

漢昭帝陵

李通志在府城東平樂保

按前漢昭帝紀葬平陵三輔黃圖平陵在長安西北七十里通志以為在洛陽平樂誤

漢世祖原陵

後漢書本紀建武二十六年春正月初作壽

陵將作大匠竇融上言園陵廣袤無慮所用帝曰古者帝

王之葬皆陶人瓦器木車茅馬使後世之人不知其處太

宗識終始之義景帝能述遵孝道遭天下反覆而霸陵獨

完受其福豈不美哉今所制地不過二三頃無為山陵陂

池裁令流水而已中元二年二月帝崩于南宮前殿三月

丁卯葬原陵

帝王世紀原陵方三百一十步高六丈在

臨平亭東南去洛陽十五里

文獻通考山方三百一十

三步高六丈六尺垣四出司馬門寢殿鐘虞皆在周垣內

提封田四十二頃五十七畝八十五步 李通志在孟津

縣西長道社有司春秋致祭三歲一遣使祭享 後漢書

光烈陰皇后崩合葬原陵

按帝王世紀所謂去洛陽者謂古洛陽也其皇后合葬者俱附各陵之下又有廢后與非廢后而不合葬者則別出陵名而類附各代之後

漢明帝顯節陵 後漢書永平十八年秋八月壬子帝崩于

東宮前殿遺詔無起寢廟初作壽陵制令流水而已石槨

廣一丈二尺長二丈五尺無得起墳萬年之後埽地而祭

朽水脯糈而已過百日唯四時設奠置吏卒數人俱給灑

婦勿開修道敢有所興作者以擅議宗廟法從事壬戌葬

顯節陵 東觀漢紀 陵東北作廡長三丈五步外為小厨

財足祠祀 帝王世紀 顯節陵方三百步高八丈其地故

富壽亭也西北去洛陽三十七里 文獻通考 山方三百

步高八丈無周垣為行馬四出在殿北提封田七十四頃

五畝 東平王傳 帝 章帝也 欲為原陵 顯節陵起縣邑蒼闈

之遽土疏諫曰伏聞當為二陵起立郭邑竊見光武皇帝

躬履儉約之行深觀始終之分勤勤懇懇以堊制為言故

營建陵地具稱古典詔曰無為山陵陂池裁命流水而已

孝明皇帝大孝無違奉承貫行至於自所營創尤為儉省

謙德之美於斯爲盛臣愚以園寢之興始自疆秦古者邱隴且不欲其著明豈况築郭邑建都郭哉上違先帝聖心下造無益之功虛費國用動搖百姓非所以致和氣祈豐年也又以吉凶俗數言之亦不欲無故繕修邱墓有所興起考之古法則不合稽之時宜則違人求之吉凶復未見其福陛下履有虞之至性追祖禰之深思然懼左右過議以累聖心臣蒼誠傷二帝純德之美不暢於無窮也帝從而止

後漢皇后紀明德馬皇后崩合葬顯節陵

漢章帝敬陵

後漢書章和二年春正月壬辰帝崩于章德

前殿遺詔無起寢廟一如先帝法制三月癸卯葬敬陵

帝王世紀在洛陽城東南去洛陽三十九里 伏侯古今

注陵周三百步高六丈二尺 文獻通考山方三百步高

六丈二尺無周垣為行馬四出司馬門石殿鍾虞在行馬

內寢殿園省在東園寺吏舍在殿北提封田二十五頃五

十五畝 後漢皇后紀章德竇皇后合葬敬陵

按獨斷章帝宋貴人曰敬隱后葬北陵安帝祖母也梁貴人曰恭懷后葬西陵和帝母也據史梁貴人生和帝竇后養為己子而忌梁氏作飛書陷貴人父竦貴人曰憂卒後竇后崩有上書陳狀和帝手詔臣子無貶尊上之文其勿復議于是竇后得合葬敬陵

漢和帝慎陵 後漢書元興元年冬十二月辛未帝崩于章

德前殿殤帝延平元年三月甲申葬慎陵 帝王世紀在



洛陽東南三十里 〔文獻通考〕山方三百八十步高十丈

無周坦爲行馬四出司馬門石殿鍾虞在行馬內寢殿園省在東園寺吏舍在殿北提封田三十一頃二十畝二百

### 步 〔後漢皇后紀〕和熹鄧皇后合葬順陵

按和帝紀注慎陵俗本作順者誤徐乾學讀禮通考曰解犢侯萇生靈帝其陵曰慎陵不應與和帝復出疑鄧皇后紀作順陵者非誤也又穆帝陰皇后葬臨平亭部故鄧后得以合葬順陵。又按舊志明帝章帝和帝三陵俱在故洛城北邙山上俗稱大漢冢二漢冢三漢冢三冢相去各里許于故洛城爲在北于今洛陽爲在東北據帝王世紀乃俱在洛陽東南何耶帝王世紀乃晉皇甫謐所作其時所謂洛陽者乃故洛城非今洛陽也豈三陵別有在故洛城東南者而今所傳三冢非其真與抑帝王世紀有經後人竄入遂據今洛陽爲言與據今洛陽爲言里數亦合但當言東北不當言東南且明帝陵言三十七里章帝陵言三十九里則和帝陵當爲

四十一里而曰  
三十里亦有誤

漢殤帝康陵

後漢書延平元年八月辛亥帝崩癸丑殯于

崇德前殿九月丙寅葬康陵注陵在慎陵塋中庚地帝

王世紀高五丈四尺去洛陽四十八里文獻通考山周

二百八步高五丈五尺行馬四出司馬門寢鍾虞在行馬

中因寢殿為廟園吏寺舍在殿北提封田十三頃十九畝

二百五十步獨斷以陵寢為廟者三殤帝康陵沖帝懷

陵質帝靜陵是也

漢安帝恭陵

後漢書延光四年三月丁卯幸葉帝崩于乘

輿庚午還宮辛未夕乃發喪夏四月己酉葬恭陵注在今

洛陽東北二十七里 伏侯古今注陵山周二百六十丈  
高十五丈 帝王世紀高十一丈在洛陽西北去洛陽十  
五里 文獻通考山周二百六十步高十五丈無周垣爲  
行馬四出司馬門石殿鍾虞在行馬內寢殿園吏寺舍在  
殿北提封田一十四頃五十六畝 後漢皇后紀安思閭  
皇后合葬恭陵

漢順帝憲陵

後漢書建康元年八月帝崩于玉堂前殿遺

詔無起寢廟九月丙午葬憲陵

帝王世紀在洛陽西北

去洛陽十五里

文獻通考山方三百步高八丈四尺無

周垣爲行馬四出司馬門石殿鍾虞在司馬門內寢殿園

省寺吏舍在殿東提封四十八頃十九畝三十步

後漢

皇后紀順烈梁皇后合葬憲陵

漢沖帝懷陵

後漢書

永嘉元年春正月戊戌帝崩于玉堂

前殿已未葬懷陵

帝王世紀

西北去洛陽十五里

伏

侯古今注高四丈六尺周百八十三步

文獻通考山方

百八十三步高四丈六尺爲寢殿行馬四出門園寺吏舍

在殿東提封田五頃八十畝

李固傳

沖帝崩將北下山

陵固乃議曰今處處寇賊軍興用費加倍新創憲陵賦發

非一帝尚幼小可起陵於憲陵塋內依康陵制度其於役

費三分減一乃從固議

漢質帝靜陵

後漢書本初元年閏月甲申大將軍梁冀潛

行鳩弒帝崩于玉堂前殿秋七月乙卯葬靜陵注在洛陽

東南三十里

帝王世紀在洛陽東去洛陽三十二里

文獻通考山方百三十八步高五丈五尺為行馬四出門

寢殿鍾虞在行馬中園寺吏舍在殿北提封田十二頃五

十四畝因寢為廟

漢桓帝宣陵

後漢書永康元年十二月丁丑帝崩于德陽

前殿靈帝建寧元年辛酉葬宣陵

帝王世紀山方二百

步高十二丈在洛陽東南去洛陽三十里

後漢皇后紀

桓思竇皇后合葬宣陵

漢靈帝文陵

後漢書中平元年夏四月丙辰帝崩于南宮

嘉德殿六月辛酉葬文陵

帝王世紀山方三百步高十

二丈在洛陽西北去洛陽三十里

太平寰宇記靈帝陵

在河清縣東南三十里

後漢皇后紀靈思何皇后合葬

文昭陵王美人生皇子協興平元年追尊為靈懷皇后改

葬文昭陵

漢光武郭后陵

皇后紀光武郭皇后葬于北邙

按紀后呂寵稍衰數懷怨懟遂廢別葬邙山不合葬原陵

漢和帝陰后墓

皇后紀和帝陰皇后有言后與外祖母鄧

朱共挾巫蠱道事覺帝賜后策上璽綬遷于桐宮呂憂死

葬臨平亭部

漢順帝母李后陵

皇后紀閻皇后妬忌帝幸宮人李氏生

皇子保遂鳩殺李氏瘞在洛陽城北順帝初不知閻后崩左右白之帝發哀親到瘞所更曰禮殯上尊諡曰恭愍皇后葬恭北陵注在恭陵之北因以爲名

漢桓帝梁貴人冢

皇后紀桓帝懿獻梁皇后葬懿陵其歲

誅梁冀廢懿陵爲貴人冢焉

漢桓帝鄧后冢

皇后紀桓帝鄧皇后與郭貴人更相譖訴

詔廢后送暴室曰憂死葬在北邙

漢靈帝宋后墓

皇后紀靈帝宋皇后帝信中常侍王甫搆

言遂策收璽綬后自是致暴室呂憂死諸常侍小黃門在省闔者皆憐宋氏無辜共合錢物收葬廢后歸宋氏舊塋臯門亭帝後夢見桓帝怒曰宋皇后有何罪過而聽用邪孽使絕其命今宋氏訴于天上帝震怒罪在難救帝覺問許永對曰宜改葬曰安寃魂

蜀漢後主墓 蜀志後主以太始七年薨于洛陽

按三國志但言後主薨于洛陽不言所葬其墓當在洛陽

魏文帝首陽陵 魏志黃初三年冬十月甲子表首陽山東

爲壽陵作終制曰禮國君卽位爲棊存不忘亡也昔堯葬穀林通樹之禹葬會稽農不易畝故葬於山林則合乎山



林封樹之制非上古也。吾無取焉。壽陵因山爲體，無爲封樹，無立寢殿，造園邑，通神道，夫葬也者，藏也。欲人之不得見也，骨無痛痒之知，豕非棲神之宅，禮不墓祭，欲存亡之不黷也。爲棺椁，足以朽骨，衣衾，足以朽肉而已。故吾營此邱墟，不食之地，欲使易代之後，不知其處，無施葦炭，無藏金銀桐鐵，一以瓦器，合古塗車芻靈之義，棺但漆際，三過飯，含無以珠玉，無施珠襦玉匣，諸愚俗所爲也。季孫以璆璠斂孔子，歷級而救之，譬之暴骸中原，宋公厚葬君子，謂華元樂莒不臣，以爲棄君於惡，漢文帝之不發，霸陵無求也。光武之掘原陵封樹也，霸陵之完功在釋之，原陵之掘

罪在明帝是釋之忠以利君明帝愛以害親也忠臣孝子  
宜思仲尼邱明釋之之言鑒華元樂莒明帝之戒在於所  
以安君定親使魂靈萬載無危斯則聖賢之忠孝矣自古  
及今未有不亡之國亦無不掘之墓也喪亂以來漢氏諸  
陵無不發掘至乃燒取玉匣金縷骸骨并盡是焚如之刑  
也豈不重痛哉禍由乎厚葬封樹樂霍爲我戒不亦明乎  
其皇后及貴人以下不隨王之國者有終沒皆葬澗西前  
又以表其處矣蓋舜葬蒼梧二妃不從延陵葬子遠在羸  
魂而有靈無不之也一澗之間不足爲遠若違今詔妄有  
所變改造施吾爲戮尸地下戮而重戮死而重死臣子爲蔑

死君父不忠不孝使死者有知將不福汝其以此詔藏之  
宗廟副在尚書祕書三府七年夏五月丁巳帝崩于嘉福  
殿六月戊寅葬首陽陵自殯及葬皆以終制從事 [太平  
寰宇記] 魏文帝陵在偃師縣首陽山南

魏明帝高平陵

[魏志] 景初三年春正月丁亥帝崩于嘉福

殿癸丑葬高平陵

[水經注] 大石山阿有魏明帝高平陵

孫盛魏世籍高平陵在洛水南大石山去洛城九十里

按李濂通志誤以明帝陵爲在孟津舊河清城  
曹氏各勝志遂有高平津之名辨見津渡門

魏高貴鄉公墓

[魏三少帝紀] 高貴鄉公卒以王禮葬之注

漢晉春秋曰丁卯葬高貴鄉公于洛陽西北三十里漣澗

之濱下車數乘不設旌旄百姓擁聚而觀之曰是前日所  
殺天子也或掩面而泣悲不自勝

魏文帝郭后陵

魏后妃傳文帝郭皇后崩于許昌以終制

營陵三月庚寅葬首陽陵西

按魏畧明帝嗣立追痛甄后之禍由於郭后故郭后暴崩勅殯者使如甄后故事不合葬

魏明帝郭后陵

魏后妃傳明元郭皇后葬高平陵西

按薛收元經傳漢故事陵上立祭殿至魏制以謂古不墓祭自有廟設於是園邑寢殿遂廢

晉宣帝高原陵

晉書宣皇帝魏嘉平三年秋八月戊寅崩

于京師九月庚申葬于河陰先是預作終制於首陽山爲  
土藏不墳不樹作顧命三篇斂以時服不設明器後終者

不得合葬 〔晉后如傳〕宣穆張皇后葬洛陽高原陵 〔李

通志〕陵在府城北二十里

晉景帝峻平陵 〔晉書〕景皇帝魏正元二年閏二月辛亥崩

于許昌武帝受禪上尊號曰景皇帝陵曰峻平 〔太平寰

宇記〕晉景帝陵在河清縣南三十里高六丈四尺 〔晉后

如傳〕景陵夏侯皇后青龍二年崩葬峻平陵景獻羊皇后

咸寧四年崩祔葬峻平陵

晉武帝峻陽陵 〔晉書〕泰始二年冬十月丁未詔曰昔舜葬

蒼梧農不易畝禹葬會稽市不改肆上惟祖宗清簡之旨

所徙陵十里內居人動為煩擾一切停之 太熙元年夏四

河南府志 卷之七十一 古蹟志 古 陵墓一

月已酉帝崩于含章殿五月辛未葬峻陽陵 晉后妃傳

武元楊皇后泰始十年崩于明光殿葬于峻陽陵 李通

志陵在府城北

晉惠帝太陽陵 晉書光熙元年十一月庚午帝崩于顯陽

殿十二月已酉葬太陽陵 李通志陵在府城東南

按元帝太興二年太陽陵毀帝素服哭三日

後魏孝文帝長陵 魏書太和二十三年四月丙午帝崩于

穀塘原之行宮至魯陽發哀還京師五月丙申葬長陵魏

皇后傳幽皇后馮氏葬長陵塋內昭皇后高氏先葬城西

長陵東南陵制卑局因就起山陵號終寧陵置邑戶五百

家肅宗遷靈櫬於長陵兆西北六十步

按魏書初高祖孝于太后乃于方山太后承罔陵東北里餘豫營壽宮有終焉瞻望之志及遷洛陽乃自表灑西以爲山園之所而方山爲虛宮據是則高祖長陵當在灑西

後魏宣武帝景陵

魏書延昌四年春王月甲寅帝不豫丁

巳崩于式乾殿二月甲午葬景陵

按景陵正當隋宮城西北卽山上唐秦王登魏宜武陵知賊可擊者也

隋煬帝陵

李通志陵在永寧縣東北煬帝崩于江都唐太

宗遷葬于此

按隋書大業十三年十一月唐公入京師遷尊帝爲太上皇立代王侑爲帝改元義寧二年三月右屯衛將軍宇文化及等以驍果作亂入犯宮闈上崩于溫室蕭后令宮人撒床簀以埋之化及發後衛右將軍陳稜奉梓

宮于成象殿葬吳公臺下  
唐平江南之後改葬雷塘

唐孝敬皇帝陵

唐書孝敬皇帝宏顯慶元年立為太子上

元二年從幸合璧宮遇醜薨詔諡孝敬皇帝葬緱氏墓號

恭陵制度盡用天子禮帝自製睿德紀刻石陵側營陵工

費鉅億人厭苦之投石傷所部官司至相率亡去

太平

寰宇記恭陵在緱氏縣東北五里

按孝敬陵今呼為太子陵在偃師縣南景山上舊府志  
以太子陵為敬宗陵唐自別有敬宗太子諡孝敬非敬

宗也

唐中宗定陵

舊唐書景龍四年六月壬午帝崩于神龍殿

十一月己酉葬于定陵

李通志陵在偃師縣東



按舊府志中宗陵在偃師縣東失攷說者以偃師縣東三里所謂王弼墓者卽中宗陵據水經注王弼墓當在偃師縣西不在縣東則謂縣東有冢非王弼墓良是但以爲卽中宗陵亦不可攷元和郡縣志定陵在富平縣西北十五里龍泉山是謂中宗陵爲在偃師縣東者非也蓋冢甚高大似陵制不類常人墓特不知爲何王陵耳

唐招宗和陵

〔舊唐書〕

天祐元年八月壬寅朱全忠弒昭宗

于椒殿二年二月己酉葬于和陵

〔太平寰宇記〕昭宗陵

在緱氏縣東北五里

〔唐地理志〕

和陵在緱氏縣太平山

本懷來山天祐元年更名

五代梁太祖宣陵

〔五代春秋〕

乾化二年六月戊寅皇子友

珪弒逆帝崩于寢十一月甲寅葬于宣陵

〔五代會要〕陵

在洛京伊闕縣

五代梁末帝墓 〔五代春秋〕龍德二年十月辛未晉師迎京

師戊寅帝崩于建國樓下 〔通鑑〕辛巳莊宗詔王瓚收友

貞尸殯于佛寺漆其首函之藏于大社 〔五代會要〕晉天

福二年安從進收葬之 〔揮塵錄〕梁末帝葬伊闕縣

五代唐太祖曹后坤陵 〔五代會要〕後唐太祖皇后曹氏同

光三年七月崩諡曰正簡十月葬于坤陵初欲耐於代州

太祖園陵中書門下奏議曰人君以四海爲家不當異南

北洛陽帝王之宅四時朝拜理須便近不能遠幸代州且

漢代諸陵皆近秦國朝陵寢布列京畿後魏文帝自代還

洛之後園陵皆在河南兼勛臣之家不許北葬今魏氏

諸陵尚在耐墓代州理未為允從之

五代唐莊宗雍陵

〔五代春秋〕同光四年四月丁亥朔郭從

謙弒逆帝崩于絳霄殿天成元年七月葬于雍陵

〔五代

史注〕帝尸為伶人焚之明宗入洛得其骨燼葬之河南新

安縣號雍陵

〔五代會要〕陵在洛京新安縣至晉天福二

年正月以犯廟諱改為伊陵

〔揮塵錄〕後唐莊宗葬伊陵

在新安縣

按陵在縣北七十里鄭駙馬墓西高二丈許

五代唐明宗徽陵

〔五代春秋〕長興四年十一月戊戌帝崩

于雍和殿清泰元年四月丙申葬徽陵

〔五代會要〕陵在

洛京洛陽縣 **揮麈錄**明宗葬徽陵在洛陽東北

按五代史注梁太祖號宣陵以不得其死故不書葬唐明宗號徽陵雖得其死而為賊所葬故亦不書葬

五代唐閔帝墓 **五代會要**長興四年十二月即位應順元

年四月廢為鄂王遇弑葬徽陵之封中

五代唐末帝墓 **五代史注**帝自焚死晉葬其骨于徽陵域

中

五代晉高祖顯陵 **五代春秋**天福七年六月乙丑帝崩于

鄴都保昌殿十一月葬顯陵 **揮麈錄**石晉高祖葬顯陵

在壽安縣 **李通志**陵在宜陽縣西北

按明一統志陵在交城縣西北六十里可備一說

五代漢高祖廢陵 五代通鑑 魏乾祐元年正月丁酉葬於

萬歲殿十一年壬申葬於陵 五代會要 廢陵在洛京鄆

城縣 李通志 陵在登封縣東測影臺左

宋順祖康陵 翼祖靖陵 東都事略 建隆元年三月有司

上皇曾祖中丞府君諡曰惠元皇帝廟號順祖皇曾祖妣

桑氏諡曰惠明皇后陵曰康陵皇祖驍衛府君諡曰簡恭

皇帝廟號翼祖皇祖妣京兆郡夫人劉氏諡曰簡穆皇后

陵曰定陵 宋史禮志 順祖翼祖皆葬幽州至真宗始命

營奉二陵遂以一品禮葬河南縣制度比安陵減五分之

一石作減三分之一等改定陵曰靖陵

宋宣祖安陵

東都事略建隆元年三月有司上皇考武清

府君諡曰昭武皇帝廟號宣祖陵曰安陵

宋史禮志安

陵在京城東南隅乾德初改卜河南府鞏縣西南四十里

訾鄉鄧封村以司徒范質爲改卜安陵使學士竇儼禮儀

使中丞劉溫叟儀仗使樞密直學士薛居正鹵簿使太宗

時尹開封爲橋道頓遞使質尋免相以太宗兼轄五使事

修奉新陵皇堂下深五十七尺高三十九尺陵臺三層正

方下層每面長九十尺南神門至乳臺至鵲臺皆九十五

步乳臺高一十五尺鵲臺增四尺神墻高九尺五寸環四

百六十步各置神門角闕

東都事略宣祖昭憲皇后杜

氏建隆二年崩于滋德殿諡曰明憲葬安陵乾德二年改

卜安陵更諡曰昭憲合祔安陵 文獻通考安陵陪葬子

孫一百二十一墳

按太祖父宣祖周廣順末鐵騎第一軍復轉右廂皆都  
指揮今鞏人猶呼永安陵為指揮陵在鞏縣西南牛首  
山北麓西與太  
祖陵相去里餘

宋太祖永昌陵 東都事略開寶九年冬十月癸丑帝崩于

萬歲殿明年四月乙卯葬永昌陵 宋史禮志陵在鞏縣

耐宣祖孝章皇后宋氏至道元年四月崩六月上諡曰孝

章皇后以歲忌權櫬于趙村沙臺三年正月祔葬永昌陵

之北皇堂陵臺神牆乳臺鵲臺並如孝明園陵制度 文

獻通考永昌陵陪葬子孫十五墳

按宋時皇后如宣祖昭憲杜后合祔安陵爲行前代之禮而太祖之孝明孝惠二后一葬宣祖安陵西北一葬安陵之北孝章宋后亦不同兆域太宗皇后尚有葬安陵西北者章憲明肅劉后亦葬真宗永定陵西北隅當時禮官不主祔葬茲惟采孝章宋后祔葬者附著永昌陵下其孝惠皇后孝明王后別陪葬者例爲另列宋代帝陵之後以古蹟中有一陵則有一地也餘併同

宋太宗永熙陵 東都事畧至道三年三月癸巳帝崩于萬

歲殿十月己酉葬永熙陵 明德皇后李氏祔葬永熙陵元

德皇后李氏以真宗生母祔葬永熙陵 宋史禮志永熙

陵皇堂深百尺方廣八十尺陵臺方二百五十尺置衛士

五百人于陵 文獻通考元德皇后李氏以至道三年十



月追尊先殯于普安禪院咸平元年議改卜園陵二年命使按行園陵地議立陵名禮官言周顯德末都省集議故事帝后同陵謂之合葬同塋謂之祔葬漢呂氏陵在長陵西百餘步以同塋兆而無名號又唐穆宗二后王氏生敬宗蕭氏生文宗並祔葬光陵之側今園陵鵲臺在永熙陵封地之內恐不須別建陵號從之又永熙陵陪葬子孫八墳

按昌陵在安陵西里餘熙陵在昌陵西里餘三陵俱在牛首山北麓永安縣羅水之南

宋眞宗永定陵 東都事畧 乾興元年二月戊午帝崩于延慶殿冬十月己酉葬永定陵 宋史禮志 山陵按行使藍

繼宗言據司天監定永安縣東北六里曰卧龍岡堪庀山陵詔雷允恭覆按以聞皇堂之制深八十一尺方百四十尺制陵名曰永定章獻明肅皇后劉氏明道二年三月崩于寶慈殿司天監詳定山陵制度皇堂深五十七尺神牆高七尺五寸四面各長六十五步乳臺高一丈九尺至南神門四十五步鵲臺高二丈三尺至乳臺四十五步十月五日葬永定陵之西北隅章惠皇后楊氏明道三年十二月崩四年二月葬永定陵之西北隅

宋后妃傳李宸妃

生仁宗章獻以爲己子仁宗不自知爲妃所出也明道元年薨章獻太后欲以宮人禮治喪丞相呂夷簡奏禮宜從

厚太后獨坐簾下召呂夷簡問曰一宮人死相公云何呂夷簡曰臣待罪宰相事無內外無不當預太后怒曰相公欲離間吾母子耶夷簡從容對曰陛下不以劉氏爲念臣不敢言儻念劉氏則喪禮宜從厚太后悟遽曰宮人李宸妣也夷簡請治喪用一品禮殯洪福院夷簡又謂入內都知羅崇勳曰宸如當以后服殮用水銀實棺異時勿謂夷簡未嘗道及崇勳如其言後章獻太后崩燕王爲仁宗言陛下乃李宸如所生死以非命仁宗號慟尊妣爲皇太后諡曰莊懿幸洪福寺祭告易梓宮親往視之妣玉色如生冠服如皇太后以水銀養之故不壞仁宗歎曰人言其可

信哉遇劉氏加厚陪葬永定陵慶歷中改諡章懿丁謂傳謂爲山陵使雷允恭爲都監與判司天邢中和擅易皇堂地衆議喧騰謂庇允恭依違不決詔王曾馮拯曹利用等覆視咸云應用舊地遂誅允恭太后與帝坐承明殿詰問謂爲宰輔交通宦官坐陵大事擅有變易論罪降官又貶崖州司戶叅軍籍其家

**文獻通考**始丁謂請名陵曰鎮陵及謂貶馮拯謂三陵止名安陵又翼祖已名定陵于是改翼祖陵爲靖陵議者譏拯不學當時無正之者

按營定陵時徐仁旺奏用牛首山前丁謂定用山後爭之不可仁旺表曰山後之害坤水長流災在丙午年內丁風直射禍當丁未年終其言卒驗今真宗陵在西南龍山西北與牛首山陵中隔羅水而徐丁所爭牛頭山

前山後者乃青龍西北別起一小山狀類牛頭而得名  
非太祖陵南之牛首山也當時亦曰卧龍岡據史云謂  
置皇堂土石相半繼之以水王曾奏太后丁謂包藏禍  
心置皇堂於絕地太后怒丁謂貶死當時已不用丁謂  
所定皇堂矣然今真宗陵南高北下退就卑濕猶是丁  
謂山後之議也意丁謂所用更在北以王曾奏乃稍移  
就南耳至通考譏馮拯易名定陵與翼祖陵本名同良  
非但謂永安爲縣名宣祖陵止名安陵無永安之稱殊  
不然永安名縣乃因陵而名宋代諸陵皆有永字其稱  
之也或言永某陵或但曰某陵皆得非宣祖陵無永安  
之號也○又按真宗三后潘后葬永昌陵側郭后葬永  
熙陵西北故惟劉后祔葬定陵又楊后仁宗尊爲皇太  
后亦祔葬定陵李宸如常從守定陵乃殯洪福院太后  
崩仁宗知爲宸如所生尊爲皇太后陪葬永定陵今定  
陵後俗呼爲呂道姑陵者恐是  
呂李聲譌卽李宸如陪葬陵也

宋仁宗永昭陵 東都事畧嘉祐八年三月辛未帝崩于福

寧殿冬十月甲午葬永昭陵 傳家集司馬光言山陵擇

地劄子畧曰臣竊聞朝廷遣使按行山陵至今未知定處  
或云欲於永安縣外廣求吉地臣以爲過矣國家自宣祖  
以來葬于永安百有餘年官司儲侍素皆有備今改卜他  
所不惟縣邑官司更須創制亦恐大行皇帝神靈眷戀祖  
宗未肯卽安於新陵也伏望朝廷特賜指揮按行山林使  
等只於永安界舊陵側近選擇善地

韓忠獻遺事仁宗

永昭陵葬且有日忽傳皇堂棟損時諸使皆欲不問而掩  
之韓公琦正色曰不可果損當易之若違葬期侈所費此  
責猶可當若苟且掩之後有壞而致人王疑心臣下何以  
當責

宋史禮志慈聖光獻皇后曹氏元豐二年十月崩

于慶壽宮命韓縝爲山陵案行使縝言永昭陵北稍西地  
二百六十步內方六十五步可爲山陵上以迫隘詔增十

### 步三月十日葬永昭陵

按名臣琬琰之集鄭獬上疏曰仁宗大行皇帝永昭陵  
依乾興制度雖未爲過侈以今較昔蓋有不同乾興帑  
庫充積財力有餘故可以溢祖宗之舊制今國用空闕  
財賦不支將累歲邊備一日費之不知何年復能充補  
萬一歲凶民饑少有風塵之警則將何策以禦豈可以  
乾興爲法也夫儉葬之制周公非不忠曾子非不孝以  
爲褒君愛父不在于聚財此前世之極論竊惟大行皇  
帝節儉愛民出於天性無珠玉奇異之好無犬馬游觀  
之樂服御至於澣濯器玩極於樸陋此天下之所共知  
也今山陵制度乃取乾興最盛之時爲準獨不傷先帝  
平日積儉之德乎臣以爲宜飭有司條其名數再議減  
節范鎮奏曰竊聞大行皇帝受命寶及沿寶法物與平  
生衣冠器用皆欲舉而葬之恐非所以稱大行皇帝恭  
儉之意其受命寶伏乞陛下自寶用之且示有司傳付

若衣冠器玩則請陳於陵寢及神御殿歲時展視以慰  
思慕詔檢討官討尋典故及命兩制官禮官詳議翰林  
學士王珪等奏議曰受命寶者猶昔傳國璽也宜爲天  
子傳器不當改作古者藏先王衣服於廟寢至於平生  
器玩則前世旣不皆納於方中亦不盡陳於陵寢謂今  
宜從省約以稱先帝恭儉之實臣等謹議元豐三年程  
頤代富弼上神宗皇帝論永昭陵疏臣弼伏觀太皇后  
山陵有期老臣之心有所甚切不忍不言昧死以聞惟  
陛下深思而力行之不勝大願往者營奉昭陵時英宗  
皇帝方不豫未能聽事朝廷罔然不知其制失於迫卒  
不復深慮博訪凡百規畫一出匠者之拙謀中人之私  
意以巨木架石爲之屋計不百年必當損墜壙中又爲  
鐵罩重且萬斤以木爲骨大止數寸不過二三十年決  
須摧毀梓宮之厚度不盈尺異日以萬鈞之石自高而  
墜其將奈何思之及此骨寒膽喪臣始則不知其詳後  
則無以爲計士民之間有知之者無不痛心飲恨况老  
臣之心乎况陛下之心乎其後厚陵始爲石藏議者竊  
意主事大臣已悟昭陵之事獨陛下未知之爾今也不  
幸太皇太后奄棄天下之養因此事會當爲之謀竊以  
周公制合葬之禮仲尼善魯人之耐歷代諸陵雖不盡



用亦多行之太祖皇帝神謀聖慮超越萬古昭憲太后  
亦合安陵夫以周公之制仲尼之訓歷代之舊藝祖之  
法循而行之可無疑也老臣願陛下思安親之道爲後  
日之慮決於聖心勿循浮議奉太皇太后合祔昭陵因  
得去鐵罩用厚陵石藏之制仍更別加裁處使異日  
雖有壞石墜不能爲害救仁皇必至之禍成陛下莫大  
之孝復何難哉在陛下斷之而已而史稱昭陵北稍西  
地爲山陵則其議固不行也○又按宋史范純禮知永  
安縣永昭陵在其境內初建時配木石磚甃及工徒於  
一路獨永安不受令請于山陵使韓琦曰歲時繕治無  
虛日願勿與諸縣均賦琦是其言而名勝志則以爲修  
曹后山陵范公與曾魯公力爭與史不同蓋據過庭錄  
所傳也且又以永安爲今  
永寧宋陵寢多在焉大謬

宋英宗永厚陵

東都事畧

治平四年春正月帝崩于福寧

殿秋八月癸酉葬永厚陵

文獻通考

英宗崩遺詔山陵

務從省約所歷郡縣無科率煩民八月葬永厚陵禮如舊

制 演繁露溫公日記英廟山陵舊制曰山陵皇堂壘

石爲壁積材木於上以卷石覆之神宗以材木有時而朽則卷石必墜於梓宮不便更令就地爲石椁以藏梓宮總管張若水恐穿地或墮陷四壁乃請於平地壘石爲椁及後山陵復土梓宮入降隧道升石椁西首御夷牀不及地一尺而止俟已時一刻乃下仍於其上布方木及蓋條石乃設御座於蓋下闔石門出築合隧道案此則是神宗慮木久遠必朽朽必壓故專令卷石爲椁起自地上石旣固周捲起交相鈎鬪永不壓壞最爲堅耐趙州石橋正用捲石法故大水不能齧重車不墊也神宗雖有此旨若水董

役不敢廢去舊制故捲石之上仍鋪蓋木設使蓋木朽壞而其下自有捲石承之殆無害也

宋史禮志英宗宣仁

聖烈皇后高氏哲宗元祐八年九月三日崩于崇慶宮詔園陵依慈聖光獻太皇太后之制紹聖元年四月一日葬

永厚陵

按仁宗英宗二陵俱在青龍山北孝義保英宗陵東去仁宗陵一里許

宋神宗永裕陵

東都事畧元豐八年三月戊戌帝崩于福

寧殿冬十月乙酉葬永裕陵

宋史禮志紹聖四年太史

請遷去永裕陵禁山民冢一千三百餘以便國音帝曰遷墓得無擾乎若無所害則令無遷果不便國音當給官錢

以資葬費神宗欽聖憲肅皇后向氏建中靖國元年正月  
十三日崩太常寺言大行皇太后山陵一行法物宜依元  
豐二年慈聖光獻皇后故事皇堂之制下深六十九尺面  
方二丈五尺石地穴深一丈明高二丈一尺鵲臺二各高  
四十一尺乳臺二各高二丈七尺神牆高一丈三尺五月  
六日葬永裕陵 后妃傳欽成朱皇后生哲宗崇寧元年  
二月薨追冊爲皇后陪葬永裕陵欽慈陳皇后生徽宗帝  
崩守陵殿未幾薨建中靖國元年追冊爲皇太后陪葬永

裕陵

宋哲宗永泰陵

東都事畧元符三年正月己卯帝崩于福

葬永泰陵

宋史禮志哲宗崩徽宗即位詔山陵制度並

如元豐

按神宗哲宗二陵俱在九山東北麓二陵相去一里許  
○又按中興記建炎元年五月一日大赦天下詔永安  
軍祖宗陵寢西京應天禪院會聖宮影殿西墳可差西  
京留守及臺官一員日下前去躬親省禮如合修奉去  
處一面措置仍密具奏聞南墳委汝州守臣依此  
演繁露宗子自耐葬山陵之外又有南墳西墳

宋欽宗陵

朝野雜記欽宗之喪舉哀于天章閣南以學士

院為几筵殿上陵名曰永獻暨乾道中朝廷遣使求陵寢  
地金人許以遷奉且併歸靖康梓宮朝廷難之金人乃以

禮陪葬于鞏縣云

文獻通考金人徙葬欽宗于鞏原而

荆襄謀報乃謂金以十萬騎奉還陵寢以來中外洶洶邊塞咸請增戍後卒無事

按宋史高宗紹興五年上皇卒于金七年始聞上皇之喪帝成服上廟號曰徽十二年八月金人歸徽宗之喪十月權攢帝后梓宮于會稽號永固陵十三年更永固陵曰永祐三十一年始聞靖康帝之喪至孝宗乾道七年金人乃以一品禮葬欽宗于鞏洛之原鞏舊志辨鞏縣有欽宗陵無徽宗陵固非無據但欽宗爲金人所葬鞏縣欽宗陵今亦無可攷傳聞是否猶不可知輟耕錄載楊晃發陵之時言徽欽葬五國城數遣使祈請于金人欲歸梓宮凡六七年而後許至此被發掘徽欽二陵皆空無一物徽陵有朽木一段欽陵有木燈檠一枚而已蓋當時已料其真僞不可知不欲逆詐亦以慰一時之人心耳而二帝遺骸浮沉沙漠初未嘗還也又孫賜曰徽欽二帝陵在高麗地方二陵大如山高麗人皆知爲宋三帝陵也蓋金時幅員甚廣高麗北境皆其地彼時葬二帝于此以空柩歸中國耳據是則會稽之徽欽陵與鞏縣之欽陵皆非其實矣且鞏志誤以會稽永固

宗承裕陵為有誤併為正之

宋太祖賀后陵

東都事畧太祖孝惠皇后賀氏周顯德五

年崩葬安陵之西北

宋史禮志乾德元年十二月時議

改卜安陵于鞏并以二后

孝明孝惠

陪葬焉四月九日葬孝惠

于安陵之西北

宋太祖王后陵

宋史禮志改卜安陵于鞏并葬孝明王后

于安陵之北

宋太宗尹后陵

東都事畧太宗淑德皇后尹氏早崩葬于

孝明陵之西北

宋太宗符后陵

東都事畧太宗懿德皇后符氏葬于安陵

之西北

宋真宗潘后陵

宋史后妃傳真宗章懷潘皇后端拱二年

五月薨葬永昌陵之側陵名保泰

宋真宗郭后陵

宋史后妃傳真宗章穆郭皇后景德四年

崩葬永熙陵之西北

宋徽宗王后陵

東都事畧顯恭皇后王氏徽宗卽位冊爲

皇女生欽宗崩葬永裕陵之次

按東都事畧徽宗王后初諡靖和改諡惠恭又改顯恭  
徽宗明達皇后劉氏陪葬惠恭皇后園明節皇后劉氏  
與明達並園立祠如是則  
徽宗三后俱祔神宗陵矣

河南府志卷之七十二終



古蹟志十九

陵墓二

洛陽

商彭母冢

名勝志彭母冢在萬安山麓彭母不知何許人

宋時有彭婆鎮本此

按舊志以彭婆為彭祖之母據水經注彭城即殷大夫彭祖之國世本曰陸終之子其二曰篋是為彭祖彭祖城有彭祖冢洛陽為彭祖母地無所見故名勝志以為不知何許人又考唐李希烈叛聞鄭州邏騎西至彭婆則彭婆之名唐已有之不始於宋其由來遠矣

戰國蘇秦冢

伽藍記清陽門外有孝義里里西北角有蘇

秦冢冢傍有寶明寺眾僧常見秦出入北冢車馬羽儀若

今宰相也

按蘇秦冢在河南郡有三處一在洛陽如伽藍記所稱是也一在新安縣西李濂通志引唐張巡詩沙埋古篆折碑文六國存亡事繫君今日淒涼無處說亂山秋盡有寒雲是也一在鞏縣西南六十里有三蘇冢縣志以為蘇秦蘇代蘇厲三冢是也

秦呂不韋冢

後漢郡國志注洛陽縣北芒山道西呂不韋

冢

漢雍齒墓

李通志墓在府城東齒什方侯

漢賈誼墓

史記賈生為梁懷王太傅懷王墮馬死賈生自

傷為傅無狀哭泣歲餘亦死賈生之死年三十三矣

按賈誼墓舊志謂在縣東北印山上大坡口道西蓋誼墓洛陽相傳在此

漢朱買臣墓 墓銘漢丞相長史朱買臣墓

按舊志洛陽嘗平御路

北市東南隅得銘云云

漢鄧晨墓 鄧晨傳晨娶光武姊元光武兵敗單馬遁走遇

女弟伯姬與共騎而奔前行復見元趣令上馬元手搗曰  
行矣不能相救無為兩沒也遂遇害後晨卒詔遣中謁者

備公主禮招新野主魂與晨合葬於北邙

漢祭遵墓 祭遵傳遵卒于軍喪至河南詔遣百官先會喪

所車駕素服臨之至塋車駕復臨既葬車駕復臨其墳後

會朝帝每歎曰安得憂國奉公之臣如祭征虜者乎 季

通志墓在府城北邙山遵征虜將軍封潁陽侯

漢祭彤墓 祭彤傳 遵卒無子帝追傷之曰彤為偃師長令

近遵墳墓四時奉祠之帝以彤為能拜遼東太守既卒烏

桓鮮卑追思彤無已每朝賀京師過冢拜謁號泣乃去

李通志墓在府城北

按彤傳令為偃師長近遵墓則遵墓當在偃師矣通志謂在洛陽姑仍之

漢鄧訓墓 鄧訓傳 訓禹第六子和帝曰訓皇后之父使謁

者持節至賜策追封諡曰平壽敬侯 李通志墓在北師

漢班超墓 李通志墓在府城北印山超定遠侯

漢劉寬墓 李通志墓在府城北印山寬太尉墓上有一碑

皆故吏門生所立

漢崔瑗墓

崔瑗傳瑗臨終顧命子實曰夫人稟天地之氣

呂生及其終也歸精于天藏形于地何地不可藏勿歸鄉

里實奉遺令遂留葬洛陽

李通志墓在府城東

漢范丹墓

李通志墓在府城西金水保

按後漢獨行傳作范冉陳留外黃人卒于家遺命氣絕便斂斂畢便穿穿畢便埋墳封高下令足自隱知我心者李子堅王子炳也勿令鄉人宗親有所加大將軍何進移書陳留太守累行論諡僉曰宜為貞節先生會葬者二千餘人刺史郡守各為立碑表墓焉據本傳丹卒于家即葬陳留故何進移書陳留太守論諡其為立碑表墓者亦陳留太守也洛陽安得有范丹墓又金水旁有范丹窰與范丹墓俱屬附會

漢何進墓

李通志墓在府城西北杜村保進漢大將軍

漢樂羊子妻墓

後漢列女傳河南樂羊子妻者不知何氏

之女也盜欲有犯妻者乃先劫其姑妻聞操刀出盜曰釋汝刀從我者可全不則殺汝姑妻刎頸而死太守聞之卽捕殺盜而賜妻縑帛曰禮葬之號曰貞義

按李濂通志以貞義婦爲戰國時人誤

漢安定真墓 兩京雜記定真善筭術成帝時嘗自筭其年七十三至期果死又曰北邙青隴上孤檟之西四丈鑿七尺吾葬地也真死依言往掘得古時空槨卽葬焉

蜀漢關壯穆墓 三國志注吳歷曰權送公元於曹操操以諸侯之禮葬之

按冉中牟有壯穆考於壯穆葬處以爲未詳又謂河南府有關公冢土人謂墓元處據舊唐志謂曹操葬公元

於洛陽城南五里今故洛城南五里關莊有冢甚大土人作寨其上下有公廟而今人所謂關冢者乃在今洛陽城南十五里南直伊闕論者多據舊志指故洛城南五里者為確但舊志亦出後人手所謂城南五里者未必卽指曹魏故城言之且舊志又謂故城南得關朗墓志其非公墓明矣。又按公墓在海內者凡三：一在洛陽公塋元處一在當陽玉泉公塋身處一在成都萬里橋南乃昭烈招魂塋公處

### 晉王祥墓

王祥傳祥遺令西芒上土自堅貞勿用甃石勿

起墳隴穿深二丈椁取容棺勿作前堂其子奉而行之

按祥遺令塋西芒李濂謂府城西有王祥墓是已又本傳祥幼子烈芬將死烈欲還塋舊土芬欲留塋京邑祥流涕曰不忘故鄉仁也不戀本土達也惟仁與達吾二子有焉然終從西芒之命矣

### 晉羊祜墓

羊祜傳祜卒從弟琇等述祜素志求塋於先人

墓次帝不許賜去城十里外近陵塋地一頃

李通志墓

在北邙山

晉張華墓

京洛朝市圖張華墓在修義坊

李通志墓在

府城北邙山華為楚王所害葬此

晉石崇墓

石崇傳崇被害及惠帝復祚詔以卿禮葬之

李通志墓在府城北邙山

晉王戎墓

聞見錄東都殖業坊有王戎墓隋時釀酒家穿

其旁作窖得銘曰晉司徒尚書令安豐侯王君墓

晉陳壽母墓

李通志墓在府城北壽安漢人張華舉孝廉

補陽平令母遂葬此

晉帛仲理墓

水經注灑水西南有帛仲理墓墓前有碑題



云真人帛君之表仲理名護益州巴郡人晉永寧二年十

一月立

後魏馮熙墓

北史外戚傳熙薨于代詔開魏京之墓令公

主之柩併向伊洛柩至七里澗衰服往迎葬日送臨墓所

親作誌銘

按馮熙墓據李濂通志在府城南而故洛陽東北有馮王山其上有馮王冢乃馮熙墓也通志似誤

後魏韓延之墓

韓延之傳初延之曾來往栢谷塢省魯宗

之墓有終焉之志因謂子孫云河洛三代所都朝廷必有

居此者我死不勞向北代葬也即可就此子從其言遂葬

宗之墓次延之後五十餘年而孝文徙都其孫數家即居

於祖墓之北栢谷塢

按通志以韓延之墓為在府城北今考府城北無所謂栢谷塢疑延之葬處即鞏偃間栢谷塢而鞏偃之栢谷塢又無延之墓始從通志入洛陽或當時有兩栢谷塢未可知耳

清女冢

水經注洛水枝瀆逕清女冢南冢在北山上耆舊

傳云斯女清貞秀古跡表來今矣

按清女冢不詳何代見水經注故附于後魏之後

唐狄仁傑墓

李通志墓在府城東仁傑司空封梁國公

按墓在白馬寺東大道北有碑題為有唐忠臣狄梁公墓而孟津志謂狄仁傑墓在縣西梁周村昔有取土者得誌石知為狄公墓未知確否

唐王義童墓

文苑英華楊炯撰神道碑畧云王公諱義童

乘使者之輜車掌行人之旌節陸賈至於南海先責尉佗  
隨何入於九江卽徵黥布詔除泉州都督封建昌縣男卒  
葬于伊闕縣之萬安山

唐喬知之墓

李通志墓在府城北却山知之右司郎中

唐劉幽求墓

李通志墓在府城東北鳳凰保幽求左僕射

封徐國公

唐張建封墓

李通志墓在府城東建封尚書僕射白樂天

詩有人新自洛陽回曾到尚書墓上來卽此

唐姚崇墓

文苑英華張說撰神道碑畧云薨於東都之慈

惠里諡文貞葬於萬安山之南原

按崇墓在洛陽通志謂在陝州考陝州乃崇父姚懿墓非崇墓也據姚懿墓碑云崇母夫人劉氏遺令不合葬乃葬于龍門萬安山之南如是則崇墓乃在萬安母墓之次矣唐書崇父子同諡文獻而神道碑謂崇諡文貞當有一誤又說者謂崇與說有隙遺命說來弔盛陳寶玩說有欲色則獻之說料事遲先磨石以待文成速上石子孫如言說碑文云八柱承天高明之位定四時成象亭毒之功存說果悔素稿再易已無及矣乃嘆曰死姚崇猶能筭生張說今考崇神道碑乃燕公奉勅撰非崇子弟乞為文也則此言乃好事者為之耳

唐姚燹墓

通志金石畧西京有光祿卿姚燹碑徐疇之書

唐姚奕墓

通志金石畧西京有尚書右丞姚奕碑徐浩書

按唐書燹崇長子奕崇三子奕崇二墓俱當在崇墓之次

唐姚長墓

本傳昂自作壽藏於萬安山南原崇塋之旁畧

兆曰寢穴墳曰復真堂中剡土為牀曰化臺而刻石告

後世

按勗葬曾孫也曰崇塋之旁則崇後數世皆葬萬安山南矣

唐張鷟墓

文苑英華張說撰神道碑畧云贈丹州刺史終

于東都康俗里安厝于萬安山陽

唐書張說傳說父碑

帝為書額曰嗚呼積善之墓

唐張說墓

文苑英華張九齡撰墓誌燕國公說窆于萬安

山陽

唐董晉墓

文苑英華權德輿撰神道碑畧云尚書左僕射

宣武軍節度使董晉葬于河南縣萬安山之原

唐董溪墓

金石攷溪太師晉第二子葬萬安山下太師墓

唐書

古蹟志

卷之二

左韓愈撰墓銘

唐白居易墓 舊唐書本傳 會昌中居易請罷太子少傅以

刑部尚書致仕與香山僧如滿結香火社大中元年卒遺

命不歸下邳可葬於香山如滿師塏之側家人從命而葬

焉

按樂天自撰墓誌云終于東都履道里墓于華州下邳縣臨津里北原祔侍御史僕射二先塋也後又遺命不歸下邳故香山有白樂天墓又賈黃中譚錄云弟綴中奏立神道碑李義山文河南尹盧貞刻醉吟先生傳立於墓側過者必奠卮酒冢前方丈地常泔漬

唐權德輿墓 李通志墓在府城北上店保德輿贈尚書左

僕射韓愈撰神道碑

唐張無擇墓 〔文苑英華〕白居易撰神道碑畧云曹州別駕

張無擇終于東都利仁里墓于伊闕縣中里原

唐張誠墓 〔文苑英華〕白居易撰神道碑畧云贈工部侍郎

張誠父無擇誠嘗分司東都祿山之亂與同官范陽盧異

潛遁于陸渾山食木實飲泉水者三年肅宗嗣位詔河南

尹薛伯連搜訪不仕賊者得六人而誠與異在焉後墓于

伊闕縣中李原 中李卽中里

唐周墀墓 〔文苑英華〕杜牧撰墓誌畧云東川節度使贈司

徒周墀歸葬河南府河南縣穀陽鄉立行里先塋

唐鄭叔則墓 〔文苑英華〕穆員撰墓誌畧云福建觀察使鄭

叔則歸葬東都萬安山之南原

唐鄭約墓

〔文苑英華〕穆員撰墓誌畧云洛陽主簿鄭約觀

察叔則之冢子卒于東都尊賢里從葬先君子萬安山陽

唐馬某墓

〔文苑英華〕張說撰神道碑畧云故洛陽尉贈朝

散大夫馬某卜宅於洛陽北邙南麓夫人穴於兆之甲大

夫窆於域之庚景龍戊申將返葬故國執友禮部侍郎嚴

善思諗之曰吾相二土從新其愈乎

按金石畧西京有洛陽尉贈朝散大夫馬允中碑開元九年立又載盧藏用所書洛陽縣尉馬元忠碑八分書而以為未詳所在不知實一碑也特因允中元忠傳寫字譌遂刻為二碑耳金石攷載洛陽有洛陽令馬克忠碑景龍三年張說撰盧藏用八分書即金石畧所謂洛陽尉二碑而允中元忠克忠字凡三譌矣文苑英華以



為景龍戊申立碑推中宗丁未改元景龍戊申乃景龍二年金石攷以為景龍三年猶不相遠至金石畧以為開元九年則不知何據也

唐盧岳墓

文苑英華穆員撰墓誌畧云陝號觀察使盧岳

家東都履信里塋萬安之腹因山而封

唐李嵩墓

文苑英華孫逖撰墓誌畧云唐之宗盟武都公

嵩幼授枝江縣丞為州牧張漢陽所器重曰唐宗一日于

里吾見其人國未可量也卒塋于河南縣九嶺山之南原

唐元希聲墓

文苑英華崔氏撰墓碑序畧云吏部侍郎元

希聲洛陽人以景龍三年歸葬

唐崔景脰墓

文苑英華李華撰神道碑畧云贈太子少師

崔暉 河東武陽人 葬于東京河南卽山之某原

唐陰胤君墓

〔文苑英華〕張說撰神道碑畧云邠王府長史

陰府君葬于龍門南陵原

唐冉寶墓

〔文苑英華〕張說撰神道碑畧云河州刺史冉寶

葬于河南之定陶原

唐平貞眷墓

〔文苑英華〕張說撰神道碑畧云常州刺史平

貞眷燕國薊人卜葬于伊闕之西

唐崔漪墓

〔文苑英華〕張說撰神道碑畧云瀛州河間縣丞

崔漪葬于金谷鄉卽山之陽

唐獨孤嶼墓

〔文苑英華〕獨孤及撰墓誌畧云大理少卿

孤嶼河南洛陽人塋洛陽某原

唐嚴司業墓

文苑英華穆員撰墓誌畧云國子司業嚴公

夫人劉氏先公歿耐先姑于龍門山之北原公卒歸夫人之室

唐李長墓

文苑英華梁肅撰墓誌畧云明州刺史李長塋

於河南萬安山之陽

唐李處州墓

文苑英華梁肅撰墓誌畧云處州刺史李某

塋於洛陽

唐孫嘉之墓

文苑英華孫逖撰墓誌畧云宋州司馬孫嘉

之厝於卍山陶村之西原

唐劉海賓墓

文苑英華穆員撰墓誌畧云驃騎大將軍劉

海賓宿衛中禁為王爪牙後二年長安有朱泚之亂公與

故尉段秀實約曰公為曹沫我為荆卿期以一劍而復大

駕故公先機而發有言其成段公與公是日并命君子謂

二公之死千古如生後夫人田氏卒卜兆得北邙山之南

原西遠國門三十許里公合祔焉

唐崔微墓

文苑英華穆員撰盧氏墓誌畧云唐河南少尹

清河崔微從先大夫于北邙山平樂原夫人盧氏合祔

按唐世系表崔微為河南少尹一作微非

唐崔泳墓

文苑英華穆員撰墓誌畧云陸渾尉崔泳卒于

洛陽毓德里之第從先尚書少尹于此邱銘曰嗟我哲人

唐張仲方墓 白香山集贈尚書張公墓誌云墓北邙山

唐裴復墓 昌黎文集河南少尹裴君墓誌云墓東都芒山

之陰杜翟村公年十四上時雨詩代宗以為能將召入為

翰林學士父尚書公請免曰願使卒學

唐石洪祖父墓 昌黎文集石洪墓誌畧云祖婺州金華令

諱懷一卒葬洛陽北山金華生君之考諱平為太子家令

葬金華墓東

按昌黎撰石洪墓誌洪葬萬年白鹿原其謂葬于洛陽北山者乃其祖父墓也舊志謂洪墓在洛誤

唐苗蕃墓 昌黎文集太原府參軍苗君墓誌云葬於洛陽

平陰之原

按李濂通志以苗

蕃墓入五代誤

唐李虛中墓

昌黎文集殿中侍御史李君墓誌畧云葬河

南洛陽縣距其祖澠池令府君僑墓十里

唐盧於陵墓

昌黎文集處士盧君墓誌畧云處士諱於陵

父貽爲河南法曹參軍河南尹誣仇與賊通收掠取服法

曹曰我官司也我在不可以爲是廷爭之以死河南怒命

卒梓之法曹爭猶強遂并收法曹竟奏殺仇籍其家而殺

法曹法曹出徑歸卧家念河南勢弗可敗氣憤弗食歐血

卒東都人至今猶道之處士少孤能自立卒葬於龍門山

先人兆愈於處士妹婿也爲之誌

唐孟郊墓

昌黎文集貞曜先生墓誌銘畧云樊子合凡贈

賻而葬之洛陽東其先人墓左將葬張籍曰先生揭德振華於古有光賢者故事有易名况士哉如曰貞曜先生則姓字行有載不待講說而明皆曰然遂用之

按昌黎文集有尚書左僕射劉昌裔葬河南某縣故監察御史衛某字中立葬河南某縣左金吾將軍李道古葬東都某縣贈左散騎常侍太原王仲舒葬於河南某縣先塋之側俱不言何縣附見於此

唐傅良弼墓

李習之全集上柱國貝郡開國公食邑二千

戶贈左僕射傅公神道碑云葬河南府洛陽縣伯樂里

唐薛守恩墓

李通志墓在府城北上店保守恩鐵林都指

揮使贈太子少傅

唐高元裕墓

金石補遺右僕射渤海高元裕神道碑柳公

權書并篆額在洛陽南三官凹

唐鄭敞墓

墓碑公儀鳳三年十一月終萬年縣之來庭里

第大周久視元年六月遷葬于洛陽北邙山之平樂原

按金薤琳琅碑稱敞歷任顯官而敞為洛陽令有政績借唐史無傳

唐王行果墓

金石攷贈隴州刺史王行果神道碑景龍三

年李邕撰

唐郭孝子墓

金石攷常熟令郭孝子墓銘開元九年孫翠

撰并書



唐盧鄂州墓

金石補遺唐李北海書盧鄂州碑在許家營

唐張嘉祐墓

金石補遺張嘉祐墓誌在洛陽縣南四十里

曹家村

唐盧奕墓

金石攷太原府司錄盧府君墓銘大歷十年遺

孤盧杞撰并書

唐裴遵慶墓

墓碑唐故尚書僕射贈司空裴府君名遵慶

字少良聞喜人卒葬于萬安山之舊塋

唐和麗妃墓

張燕公集奉勅撰和麗妃神道碑開元十四

年窆于故都之後卽山之陽

唐皇甫淑妃墓

杜工部全集甫撰德儀贈淑妃皇甫氏神

道碑云葬于河南縣龍門之西北原

唐宇文夫人墓

〔文苑英華〕陳子昂撰墓誌畧云夫人適高

府君終于苑卽官舍後遷祔于洛州某原

唐杜義姑墓

〔杜工部全集〕唐故萬年縣君京兆杜氏墓誌

云遷殯于河南縣平樂鄉之原兄子甫銘曰嗚呼有唐義

姑京兆杜氏之墓

唐殷夫人墓

〔金石齋遺〕杭州錢塘丞殷君夫人碑書第十

三姪男上柱國魯郡開國公真卿撰文并書年月缺

唐陸翰妻元氏墓

〔長慶集〕微之撰墓銘云葬於洛陽之平

樂里北卽原從祖姑兆

唐韋佩母段氏墓

長慶集微之撰墓銘云塋河南縣龍門

鄉之午橋村

唐唐充妻盧氏墓

金石攷韓愈撰墓銘墓在大石山

唐韓愈乳母墓

金石攷乳母李墓銘元和六年韓愈撰在

縣北三十里

按唐人墓在文苑英華及各文集金石等書可攷者如此又金石畧所載唐人墓碑在西京者尚多如義成軍節度使曹公碑程公碑劍南東西川鹽鐵青苗租庸等使兼殿中侍御史虢州刺史嚴公碑中書侍郎兼黃門侍郎同三品孫公碑荊州都督長史孫公碑延州刺史贈幽州刺史太常卿孫公碑贈齊州刺史崔府君碑陳公碑左衛親府中郎贈左僕射嗣曹王碑左僕射牛公碑邕州經畧制置等使贈石散騎常侍裴公碑房州刺史盧府君碑屯衛將軍東都留守盧府君碑太原少尹盧府君碑歙州刺史郭府君碑散騎常侍黎公碑薊州

刺史靜塞軍使張公碑丞相檢校司空李公碑明威將軍田府君碑太子賓客贈尚書令王府君碑工部侍郎趙公碑秦公碑贈太子少師崔公碑廬州司馬劉府君碑左右衛大將軍衛尉正卿卞國公贈羽林大將軍泉君碑左僕射太子少保陸杭二州刺史贈禮部尚書劉公碑都督隴右羣牧使贈太僕卿韋公碑太子翊善鄭公碑太子賓客孟簡碑左羽林軍統制普寧郡王贈太子太保陳府君碑太原尹贈工部尚書唐公碑工部侍郎起國公碑襄陽李公碑清河崔公碑太子賓客贈尚書孔府君碑諫議大夫萬州刺史某公碑檢校吏部郎中持節歙州諸軍事范陽盧府君碑伊州刺史衛府君碑蕭府君碑杭州刺史李公碑節度使畢公碑隨州錄事叅軍狄公碑唐王公碑瀛州刺史王文王公碑歸州羅日令贈鄭州刺史郭府君碑徐武臣碑等俱在西京又有薛稷所書封府君三品李公魏州刺史李公趙郡成公等墓碑李邕所書李府君墓碑徐浩所書程元封康正貝州刺史裴公陳州刺史陶公苗大夫杜氏等墓碑顏真卿所書濠州刺史顏元孫麗正殿學士殷踐猷顏君神道祕書丞郭揆五郡節度馬公工部郭福善等墓碑柳公權所書戶部高重禮部羅讓雁門郡王王智興衛

尉卿李有裕金部郎中羅公太尉崔植淮南節度崔從  
等墓碑徐嶠之所書彭城郡夫人劉氏鄭國夫人鄭氏  
懷州刺史陶公等墓碑沈傳師所書東京留守忠懿公  
李愷墓碑歸登所書統軍劉昌啟少保趙公墓碑劉禹  
錫所書觀察王質僕射史公贈司空崔羣等墓碑鄭餘  
慶所書權貞孝公墓碑鄭網所書崔忠公墓碑裴澹所  
書吏部尚書李公贈司徒韓充趙公拜墓碑胡沛然所  
書虞城縣令李府君墓碑吳通微所書富平縣尉韋器  
墓誌張庭珪所書桂州都督長史程文英趙公墓碑梁  
升卿所書斛斯府君岷州刺史王君工部李景伯等墓  
碑韓擇木所書梁州都督徐秀墓碑韓秀榮所書尚書  
左丞暢悅長安尉王府君墓碑韓秀弼所書裴公墓碑  
皆在西京今其墓俱不可攷通志既刻在西京雖  
不盡在洛陽可附于洛陽唐墓之後以備叅稽

代何福進墓

李通志墓在府城北福進都指揮使

五代馮道墓

李通志墓在府城東南碑樓保

五代白公墓

金石補遺後周匡國君節度使白公神道碑

在河南府西北三十里喬家凹西田間

宋石守信墓 李通志墓在府城西北守信中書令封衛國

公諡武烈

按陳橋驛守信首謀立點檢為天子明日守信與諸將  
排闥入以黃袍加太祖身羅拜呼萬歲今墓在石碑窪

宋曹彬墓 李通志墓在府城北彬樞密使追封濟陽郡王

諡武惠

宋李琪墓 李通志墓在府城東南伊闕琪左武衛大將軍

宋潘美墓 李通志墓在府城西美忠武節度使諡武惠

宋曹玘墓 李通志墓在府城西北玘彬之子虞部員外郎

宋范雍墓 范文正公集資政殿大學士范忠獻公墓

慶歷紀號之六載某月日葬於洛陽之某原某里公諱維

字伯純諡曰忠獻 李通志墓在府城東南

宋張詠墓 李通志墓在府城東三十里詠樞密直學士諡

忠定

宋吳蘄墓 李通志墓在府城南伊樊里倩御史

宋魏威信墓 李通志墓在府城東威信駙馬都尉封魏國

公

按墓在白馬寺西舊傳為唐魏徵墓據唐書魏徵陪葬昭陵在陝西不在洛陽洛志又有尉遲敬德墓尉遲亦陪葬昭陵不在洛陽舊府志已辨魏威信墓非魏徵墓但列威信墓于唐墓中洛志又列威信墓于五代墓中皆誤矣攷威信乃宋初宰相魏仁浦第三子尚公主仁浦在晉為樞密使在周為宰相故或曰晉相或曰周相

或曰宋相又魏仁浦牡丹記作魏仁溥魏威信宋史作魏威信

宋呂蒙正墓 **金石攷**洛陽有呂文穆公神道碑咸平六年

富弼撰

按舊志文穆姪呂夷簡墓夷簡次子呂公著墓併在洛陽又載韓魏公墓在韓家窪皆無所據故不列

宋范仲淹墓 **宋史**皇祐四年五月卒上深痛悼贈兵部尚

書諡文正御題神道碑曰褒賢之碑 **歐陽文忠公集**文

正公神道碑云皇祐四年五月薨於徐州十有二月葬於

河南尹樊里之萬安山下 **李通志**文正子純仁及孫凡

三世十六墓俱耐

宋文彥博墓 **李通志**墓在府城南彥博太師封潞國公諡



忠烈

按蠶尾集文潞公先塋石刻皇祐三年七月中書門下牒後列術者三今攷文潞公塋有二墓盖公耐于先人墓次也

宋富弼墓

宋史弼薨帝輟朝三日贈太師諡文忠元祐初

配享神宗廟庭哲宗篆其碑首曰顯忠尚德之碑命學士

蘇軾撰文刻之

蘇文忠公集富鄭公神道碑云葬于河

南縣金谷鄉南張里

宋張汝士墓

歐陽文忠公集堯夫諱汝士明道二年卒葬

洛陽北邙山下尹師魯誌其墓歐陽修為之銘乃得金谷

古塋命太原王顧以丹為隸書納壙中以其葬之速也不

能刻石嘉祐二年其子吉甫山甫改葬伊闕之教忠鄉積

慶里修又為之撰墓表

按墓誌有一人製序一人製銘者不獨張堯夫墓也  
唐元希聲墓碑崔氏製序張說製銘已前乎此矣

宋楊楷墓 歐陽文忠公集學士楊次公墓銘云葬于洛陽

縣宣武營平樂鄉先塋

宋范純仁墓 宋史純仁卒贈開府儀同三司諡忠宣御書

神道曰世濟忠直之碑

按嗜退菴語存范忠宣薨朝廷賜碑額曰世濟忠直唐  
君益表其居曰忠直坊范公子正平正思請曰上賜刻  
于螭首揭於墓隧若賜之康莊以為往來觀非朝廷意  
也先祖先人功名聞於遠邇何待此而顯流俗所尚識  
者所耻。又按忠宣祔先文正公萬安山墓兄純佑弟  
純禮純粹俱祔并文正公孫正臣正思正平正路正已

正夫正暮曾孫直雍直彥直情直方直愚亦俱耐李濂通志所謂三世十六墓也

### 宋陳希亮墓 李通志墓在府城北希亮太常少卿

按元文類載姚燧撰宋陳太常神道碑畧云陳元凱馳書請曰五八世祖宋太常少卿公以治平二年卒葬洛陽其後子孫以官為家死不返葬顧於太常墓失其地所曾祖少中公訪而得之筆地之名與距城幾何里步以詔後昆志亦勸哉會薦離大兵終無有能至者七十餘年矣元凱始成其志如所筆發墓驗之果得范公鎮所撰誌銘摹以蠟紙副吾家乘願為銘樹石以表墓道燧受讀之其可系者凡十二世又推而上之遠本三千歲之上皆有稽於竹帛者為神道碑據舊志碑在府西南李王屯通志謂在城北不知何據

### 宋程琳墓 金石攷文簡公嘉祐二年葬河南伊闕縣神陰

鄉張留里歐陽文忠公為墓誌銘嘉祐四年又換神道碑

畧云琳有勞于國家大書曰旌勞之碑詔史臣為之銘

按大中公弟璠與從弟瑜墓誌俱稱以族兄文簡蔭補官則文簡公于大中為族兄弟矣墓在今府店保

宋程希振墓

〔二程全書〕大中家傳云嘉祐初公卜葬祖考

于伊川始居河南

按大中祖名希振始葬伊川子適道補焉適生珦璠瑠道生瑜皆耐先塋之次詳在下

宋程珦墓

〔二程全書〕大中家傳云大中諱珦字伯溫以疾

終于西京國子監公舍太師文彥博西京留守韓公縝令

左丞蘇公頌等九人相繼以公清節言於朝詔賜二百疋

帛仍命有司供其葬事以四月十五日葬于伊川先塋之

次

按大中公適長子嘗自撰墓誌子頤續之伊川文集有書先公自撰墓誌後但就闕處補之耳

宋程璠墓

〔二程全書〕顯撰程郎中墓誌略云諱璠字仲鞏

尚書諱適之仲子葬河南伊陽神陰鄉附於先塋

宋程琬墓

〔二程全書〕頤撰程朝奉墓誌畧云諱琬字季聰

贈開府諱適之子大中之季弟葬於伊川附先

宋程瑜墓

〔二程全書〕顯撰程殿丞墓誌畧云諱瑜字叔寶

尚書虞部員外郎諱希振之孫贈大理寺丞諱道之子從

兄司農葬公于河南伊陽神陰鄉先塋之次

宋程明道先生墓

〔墓表〕先生葬于伊川潞國太師題其墓

曰明道先生弟頤序其所以而刻之石

宋程伊川先生墓

〔二程全書〕尹子曰先生之葬洛人畏入

黨無敢送者故祭文惟張釋范域孟厚及焯四人乙夜有素衣白馬至者視之邵溥也蓋溥亦有畏而暮出城是以

後

按伊川墓亦耐先塋而無墓表可徵者蓋當時洛黨之禁嚴矣然先生之道千載彌光固不係墓表之有無也○又按明道次子程邵公早死葬于神陰祖塋之東明道有誌又有幼女澶娘墓誌云葬于神陰先塋之東與其姊嬌兒同兆伊川有孝女程氏誌稱為顛女以擇配不得失時後持母喪以毀死且以不勝喪為恨當葬祖塋東蓋古人塋旁必別有葬之兆在程氏塋中其制如此

宋趙從約墓 李通志墓在府城西北從約榮州刺史宋李

清臣撰神道碑銘云惟建寧公合德温温友朋是好孝愛

是醇厚重平夷弗馳弗奔

宋楊琪墓 李通志墓在府城西北杜澤原琪供備庫副使

階銀青光祿大夫封原武伯歐陽修有誌

宋楊牢父墓 古文品外錄李甘薦楊牢書畧云孝童楊牢

父死趙軍之亂牢自洛陽走常山二千里號伏叛壘委髮

羸骸有可憐狀讐意感解以喪還之單纒冬月往來太行

間凍膚皸瘃銜哀兩血行路稠人爲牢泣

按牢持父喪歸葬墓當在洛陽列之以成孝童之志

元察罕帖木兒墓 元史本傳察罕帖木兒以兵圍益都爲

王士誠所刺贈潁川王諡忠襄

按舊洛志墓在縣西又平樂保有元伯顏察兒墓爲湖廣等處行中書省平章政事封薊國公贈淮陽王

明伊厲王墓

李通志墓在府城西五十五里

明簡王墓

李通志墓在府城西南三十里

明安王墓

李通志墓在府城東北十里

明悼王墓

李通志墓在府城西六十里

明定王墓

李通志墓在府城西北十里

明莊王墓

李通志墓在府城西北八里

明敬王墓

李通志墓在府城北十五里

明光陽榮靖王墓

李通志墓在府城西三十里

明方城懷僖王墓

李通志墓在府城西南四十里

明西鄂安僖王墓

李通志墓在府城北十里



明李郁墓 李通志墓在府城北卽山麓郁兵部侍郎

明閻禹錫墓 李通志墓在府城北禹錫御史

明白良輔墓 李通志墓在府城北良輔太僕卿

按閻禹錫白良輔  
乃薛河東高弟子

明畢亨墓 李通志墓在府城北良村亨右副都御史祭酒

邱濬撰墓銘畧云執法臺端不畏強禦牧民大郡恤其憂

苦入尹京兆百廢具舉出巡邦畿民瘼斯瘳進無附麗退

何容與居者英鄉得温公圃生順死寧允謂得所

明劉健墓 李通志墓在府城東北健大學士謚文靖大學

士賈詠撰墓銘云瞻彼洛矣惟天地中元精秘發毓時名

公淵源之後伊洛是宗初官太史繼以青宮載典邦秩載  
簡宸衷密席毗倚僉曰竒逢禮隆師傳身代天工夷險一  
節寵榮不驚古稱良相韓魏攸同坐堂勁氣冽冽清風托  
孤寄命壽考令終公忠直諒勲美事功公紀有傳公碑則  
豐卬山之北洛水之東還彼靈秀于彼嶽嵩我銘我誌永  
詔無窮

按帝王山陵以後歷代冢墓仍以各縣爲次但古蹟必  
徵古書自李濂通志後不須博証其明及國朝各人  
墓但據府縣志錄出者另附後

以上洛陽

河南府志卷之七十三終

河南府志卷之七十四

古蹟志二十

陵墓三

偃師 鞏縣 孟津 宜陽 登封 永寧 新安 澠池 嵩縣 冢墓附

商伊尹墓

史記殷本紀伊尹卒葬伊尹于亳

李通志伊

尹墓在偃師縣西北八里

按史記注皇覽曰伊尹冢在濟陰己氏平利鄉亳近己氏是亦指南亳為言不知實西亳也通志固不謬耳

商伯夷叔齊墓

李通志墓在偃師縣西北首陽山夷齊孤

竹君之子

按夷齊墓偃師有之蒲阪亦有之者皆依首陽山為據也四書釋地曰史記正義首陽山有五所王伯厚攷曾子書以為在蒲阪舜都者得之余謂莫徵信於麗注然已兩說互存既云河北縣雷首山有夷齊廟闕駟十三

州志曰山一名獨頭山夷齊所隱也山南有古冢陵栢  
蔚然攢茂邱阜俗謂之夷齊墓又云平縣故城有首陽  
山春秋所謂首戴也夷齊之歌所矣曰登彼西山上  
夷齊之廟蓋莫能定爾總之認餓爲失國而餓兩地皆  
可遁跡認餓爲耻食周粟則寧死乎唐虞揖遜區不知  
耻食周粟者必無之事也據閻氏之意以爲論語經文  
言餓不言餓死故以餓爲讓國而餓非耻食周粟而餓  
如是則首陽下宜無二子墓矣然論語以齊景夷齊對  
言而以死後之稱不稱爲異則太史公采薇餓死之說  
其必有自來也卽欲據歌中黃農虞夏之語謂首陽宜  
在蒲阪不在偃師亦非通論夫偃師殷之故都也夷齊  
叩馬正在未渡河之前其旣諫而去也徘徊故都采薇  
西山地應不相遠則偃師二子之墓何得徑指爲非哉  
○又按水經注濡水下孤竹城史記曰孤竹君之二子  
伯夷叔齊讓國於此而餓死于首陽漢靈帝時遼西太  
守廉翻夢人謂已曰余孤竹君之子伯夷之弟遼海漂  
吾棺榔聞君仁善願見藏覆明日視之水上有浮棺矣  
唾笑者皆無疾而死於是改葬之蓋夷齊讓國而去國  
人立中子爲君遼海浮棺  
乃中子墓非叔齊墓也

周萇宏墓 郡國志注 皇覽曰雒陽縣東北山萇宏冢 李

通志萇宏墓在偃師縣東以范中行氏之難見殺葬此唐

柳宗元有弔文

按孔子入周問樂萇宏蓋周賢大夫也萇宏城成周本忠于周而晉人以為違天不祥則殺萇宏者非周人意晉人意也血化為碧精誠所致事雖不經理所時有今墓在偃師東十里化村西北山上化村者因化碧生稱也皇覽以為在雒陽東北山者蓋魏時洛陽所屬直至偃師東故皇覽云然

漢田橫墓 史記 田橫與其客二人乘傳詣雒陽至尸鄉遂

自到高帝為之流涕發卒二千人以王者禮葬田橫既葬

二客穿冢旁孔皆自到下從之 季通志 墓在偃師縣西

漢桓榮墓 後漢本傳 榮疾篤帝幸其家問起居入街下車

擁經而前撫榮垂涕賜以牀茵帷帳刀劍衣被良久乃去  
自是諸侯將軍大夫問疾者不敢復乘車到門皆拜牀下  
榮卒帝親自變服臨喪送葬於首山之陽注首陽

山在偃師縣西北

按謝承書曰何湯字仲弓常四百餘人湯為高  
弟以才明知名榮年四十一為太子推薦榮榮  
三子榮甚重之後湯曰此皆何仲弓之力也  
拜五更封關內侯榮嘗曰此皆何仲弓之力也

魏鍾繇墓 李通志墓在偃師縣太傅善書

魏王弼墓 水經注尸鄉澤野實原夾郭多墳隴焉即陸士

衡會王輔嗣處也袁氏王陸壽敘機初入洛次河南之偃  
師時忽結陰望道左右民居者因往退宿見一少年姿補

端遠與機言元機服其能而無以酬機題緯古今綜簡名實此少年不甚欣解將曉去稅駕媪曰君何宿而來自東數十里無村落上有山陽王家墓機乃怪悵還睇昨路空野昏霾雲攢蔽日知所遇者審王弼也

按王弼墓據水經注在偃師縣西尸鄉而今縣東三里  
有王弼墓者乃金元以後所立墓碑非其實也碑有二  
一為金顯忠尉行河南府偃師縣王簿兼尉解于淵所  
立一大書偃師伯王輔嗣之墓八字碑陰有元陳思忠  
記蓋金元後不知王弼墓在偃師尸  
鄉而遂誤以偃師東大冢當之也

晉杜預墓

晉書本傳預先為遺令曰吾去春入朝因郭氏

喪亡緣陪陵舊義自表營洛陽城東首陽之南為將來兆

域而所營中有小山上無舊冢其高顯雖未足比邢山然

東奉二陵西瞻宮闕南觀伊洛北望夷叔曠然遠覽情之所安也故遂表樹開道爲一定之制至時皆用洛水圓石開隧道南向儀制取法於鄭大夫欲以儉自完耳棺器小歛之事皆當稱此子孫一以遵之

按墓在偃師西十餘里土婁村

晉鄭仲林墓 水經注休水逕緱氏城西水之西南有晉城

門校尉昌原恭侯鄭仲林碑晉皇始六年立

晉重人穴 水經注鄴水世謂之溫水泉水側有重人穴穴

中有僵尸戴延之西征記曰有此尸尸今猶在夫物無不化之理竟無不遷之道而此尸無神識事同木偶之狀喻



其推移未若正形之速遷矣

唐許遠墓

李通志墓在偃師縣西遠睢陽太守與張巡同

死國難者

按昌黎張中丞傳後敘曰遠雖才不及巡開門納巡位  
本在巡上授之柄而處其下城陷而虜與巡死先後異  
耳蓋遠死于偃師遂葬于偃師本與  
張巡同一不屈非姑就虜以求生也

唐顏真卿墓

地輿記顏真卿墓在偃師碑陰刻米芾書云

公之使賊也謂饑者曰吾昔江南遇道士陶八八授以刀

圭碧霞服之可不死且云七十後有大厄當會我於羅浮

後公葬偃師北山有賈人至南海見道士夾託書至偃師

顏家及造訪則塋也守冢蒼頭識公書大驚家人卜日開

墳棺已空矣

按本傳公為盧杞所陷使李希烈數為希烈挫辱至拘真卿守以甲士掘方丈坎於廷傳將阮之真卿見希烈曰死生分也何多為乃拘送真卿蔡州真卿度必死乃作遺表墓誌祭文指寢室西壁下曰此吾殯所也竟為希烈所害後淮蔡平子頽頽護喪還帝廢朝五日贈司徒諡文忠天下不稱其名字而曰魯公公之節在千古而世顧以神仙之事稱之固儒者所不道也墓在偃師城東北山下通志以為在縣西誤

唐王光謙墓

文苑英華權德輿撰神道碑畧云光謙贈右

僕射葬於河南府偃師縣印山之陽

唐趙憬墓

文苑英華權德輿撰神道碑畧云太子太傅貞

憲趙憬窆於河南緱氏縣景山之原

唐崔垂墓

文苑英華贈太師崔垂神道碑云葬於成周之

偃師從世墓也

按宰相世系表僅作陲金石攷崔健碑會昌元年劉禹錫撰柳公權書

唐武就墓 文苑英華權德輿撰神道碑畧云貞元六年就

卒以明月之晦降體魄于印山北原有靈鶴百數徧翔瞻

暎後改葬緱氏潁川王之兆從先封以敘昭穆禮也

唐劉知柔墓 文苑英華李邕撰神道碑畧云開元十一年

薨于東都康俗里制曰簪纓舊德楨幹通才宜寵贈章武

旌泉壤可贈太子少保諡曰文塋於河南府緱氏縣景文

山原禮也

唐王同暉墓

文苑英華孫逖撰神道碑畧云皇上以公春

華秋實之稱著于兩宮故贈以太子詹事飾終之禮厚莫  
重焉有司以公天經地義之德冠乎百行故諡之曰孝易  
名之典善莫大焉

唐王太僕墓

文苑英華張九齡撰太僕卿上柱國華容縣

男王府君墓誌畧云薨於洛陽之陶化里塋于偃師之某  
原却倚首陽前瞻洛汭豈伊瑕邱之樂並取邢山之兆

按太僕墓誌舊  
志誤入碑記

唐李贊善墓

文苑英華常袞撰墓誌畧云西涼有武昭之

諡後魏有姑臧之封祚于我唐親則同姓開元中李商隱  
表公清白遷太子右贊善終於東京崇政里塋于偃師

東姑臧公之坐次

唐裴御史墓

文苑英華穆員撰墓誌畧云嗚呼有唐君子

河東府君之墓元魏河北太守萬虎兄弟三人時稱三虎  
並仕於魏魏都河洛故裴氏始有中眷之號公萬虎八代  
孫爲監察御史卒葬于首陽山之陽

唐馬秘監墓

文苑英華李翱撰墓誌畧云公諱某字廬符

官秘書少監又加史館修撰以纂錄自樂爲事撰歷代紀  
錄類史鳳池錄纂寶折桂錄新羅紀行將相別傳及所爲  
文總四百八十八卷卒葬于偃師從先塋也

唐邢渙思墓

文苑英華杜牧撰墓誌畧云亡友邢渙思諱

羣仕徽州刺史爲治急於束縛黠吏冗事弊政不以久遠  
必務盡根本卒於東都思恭里墓於偃師某原

唐元盛墓

〔文苑英華〕穆員撰墓誌畧云河南兵曹元公盛

卒於東都綏福里墓於偃師首陽山之北原

唐徐申墓

〔文苑英華〕權德輿撰墓誌畧云東海郡開國公

贈太子少保徐公寧神於偃師縣之某原

唐盧東美墓

〔昌黎文集〕考工員外盧君墓銘畧云盧君東

美有友四人天下謂之四夔墓在河南緱氏縣梁國之原

唐房武墓

〔昌黎文集〕興元少尹房君墓誌畧云房故爲官

族自太尉瑄以德行爲相世號爲太尉家公會祖太尉之

叔父也父諱武與夫人合葬河南緱氏之高龍原

按舊志有贈隴西開國公黃公墓又有贈太師諡忠齊王張繼祚墓俱在高龍原

唐畢垌墓

昌黎文集唐故河南府王屋縣尉畢君墓誌銘

累云畢憬之子構累官至吏部尚書是為景公景公生抗

為廣平太守抗安祿山城陷覆其宗贈戶部尚書尚書生

垌垌從葬偃師之土婁

唐張圓墓

昌黎文集河中府法曹張君墓誌銘云葬河南

偃師

唐竇叔向墓

李通志墓在偃師縣西石橋保叔向左拾遺

持節舒州諸軍事

按金石補遺叔向神道碑在蔡莊廟內作供几蔡莊卽  
寺莊保也通志於叔向墓謂在石橋於叔向子牟墓謂  
在寺莊不知昌黎撰牟墓誌乃附叔向墓次牟墓  
旣在寺莊叔向墓在寺莊無疑矣謂在石橋者誤

唐竇牟墓

昌黎文集國子司業竇公墓誌云墓河南偃師

先公尚書之兆次

唐薛戎墓

昌黎文集故朝散大夫越州刺史薛公墓誌云

葬於河南偃師先人之兆次以韋氏夫人附

唐徐嶠之墓

通志金石畧西京有洛州刺史徐嶠之碑

金石攷墓碑天寶八年李邕撰在偃師

按金石畧所載西京墓碑有八  
偃師者從金石攷錄出下併同

唐徐浩墓

通志金石畧西京有彭王傅贈太子少師徐浩

碑  
金石攷墓碑貞元十五年張式撰在偃師



碑 金石攷墓碑貞元十五年張式撰在偃師

唐武登墓

通志金石畧西京有江陰縣令武登碑

長慶三年

唐武儒衡墓

李習之全集兵部侍郎贈工部尚書武公墓

誌銘畧云父登江陰令贈禮部侍郎公之喪歸祔河南緱

氏禮部先公之墓次

唐趙道光墓

通志金石畧西京有洪州錄事叅軍贈趙州

刺史趙道光碑

墨池編唐緱氏有趙道光碑

唐趙昌墓

通志金石畧西京有少保趙公碑

金石攷趙

昌墓碑在偃師

唐李衆墓

通志金石畧西京有左散騎常侍致仕李衆碑

金石攷墓碑元和十三年李絳撰在偃師

唐顧少連墓 通志金石畧西京有兵部尚書東都留守顧

少連碑 金石攷墓碑在偃師

唐徐昕墓 通志金石畧西京有萬年縣令徐昕碑 金石

攷墓碑大歷四年韓雲卿撰在偃師

唐李固言墓 金石攷贈太尉李固言碑大中六年李珣撰

在偃師

唐許康佐墓 金石錄偃師禮部尚書許康佐碑書撰人姓

名殘缺

唐崔邛墓 金石攷墓碑在偃師

唐裴曹墓

金石攷墓碑在偃師

唐李弼墓

金石攷權德輿所撰右僕射李弼墓銘在偃師

唐蔣奐墓

金石攷崔祐輔所撰汝南公蔣奐墓銘在偃師

唐崔廣墓

金石攷李孝嗣所撰臨洛縣尉清河崔廣墓銘

在偃師

唐盧顥墓

金石攷盧顥所撰許州叅軍盧顥墓銘在偃師

唐李珣墓

李通志墓在偃師縣西寺莊保珣淮陽節度使

贈司空諡貞穆

唐燕欽融墓

唐書中宗紀景龍四年五月丁卯殺許州司

戶叅軍燕欽融

按偃師志韋后預政欽融發其事中宗詔融面訛命杖之宗楚客令衛士加刃致死睿宗立詔贈諫議大夫備禮改葬又攷縣東十里舖北廟內供几有宋燕府君神道碑稱宋神宗時人世居范陽來偃省十一世祖唐許州司戶參軍燕欽融墓宋人建會聖宮逼近墓乃遷于靈龜山東北去周襄宏墓七百九十一步西去王彌墓五里十

唐范陽太君盧氏墓

杜工部全集盧氏墓誌畧云故修文

館學士著作郎京兆杜府君諱某

審言

之繼室范陽縣太君

盧氏卒於陳留郡之私第歸葬於河南之偃師入著作之

大塋在縣首陽之東原我太君用甲之穴禮也墳南去大

道百二十步竒三尺北去首陽山二里塋內西北去府君

墓二十四步則壬甲可知矣

按舊志偃師有唐褚遂良歷代墓偃志辨曰唐書本傳遂良貶死愛州卽窆於彼二男一孫祔咸通九年詔訪其後護喪歸墓陽翟唐人有詩紀其事卽謂在偃者爲褚氏先世祖坐又攷其父褚亮傳亮父玠曾祖湮世爲偃人皆有名梁陳間亦無北墓之說今於偃師唐人墓不列褚氏附見其說於此

五代葛從周墓 墓碑貞明二年張璠奉勅書

按五代史本傳梁太祖旆從周屢以軍功拜左金吾衛上將軍以疾致仕拜右衛上將軍居于偃師末帝卽位拜昭義軍節度使封陳留郡王食其俸于家卒贈太尉今墓在淮廟村西人遂誤爲淮陰侯墓

宋劉絢墓 宋史絢字質夫事二程先生 李通志墓在偃

師縣北絢太學博士

宋尹副使墓 金石攷偃師有崇信軍節度副使尹公墓表

至和元年韓琦撰

按傳志據西有朱光庭墓縣東有范祖禹墓朱偃師人故墓偃師至范祖禹史稱貶昭州別駕安置永州徒賀州又徙賓化而卒其墓偃也無可攷志以為正德間有人發其志云

金程德元墓 李通志墓在偃師縣南少微保德元大中

夫凡四世三十八墓俱禱

元程震墓 元遺山集御史程君墓表畧云震字威卿父德

元用君貴封大中大夫雷內翰淵述世德之舊備矣子八

人君其二子卒祔于金昌府芝田縣某里太中君之新塋

禮也

按程氏塋在今緱氏東程家村東據元好問墓表稱太中大夫而舊府縣志俱以為少中大夫似誤又金石攷程氏塋中尚有王思廉所撰墓碑與雷淵元好問所撰凡三碑

元陳天祥墓 李通志墓在偃師縣西南緱氏保天祥中書

省平章諡文忠

按偃志陳氏塋在蔣村又有嘉議大夫陳孟温墓秘書監丞陳用忠墓用忠墓乃陳思忠誌

元李景昌墓 李通志墓在偃師縣西景昌光祿大夫封梁

國公

杳冥君墓 金薤琳琅杳冥君銘集古錄不載歐陽公蓋未

之見趙氏金石錄雖列其目而云無書撰人姓名則亦不

知其為記也讀陳子昂集見其真寔君墳記云皇帝因登

緱山望少室尋古靈跡得王子晉之遺墟在休承之層曲

欲開石室營壽宮此徒方輿得古藏焉內有甃瓦長二丈

二尺濶八尺中有古劍一銅椀一瓦器一又有古五株錢  
朱漆片及棖撥之應手灰滅卽其物備容還定舊墳哀其  
銘志磨滅姓位不顯乃錫之名曰冥冥君云觀子昂文則  
墳嘗發於武氏拚而錫之以名亦武氏也但薛稷云杳冥  
此曰冥冥無二義也

按杳冥君不知何代人故附於偃師後  
然以五銖錢文觀之恐是漢時人也

以上偃師

漢黃霸墓 漢書本傳黃霸陽夏人自漢興言治民吏曰霸  
爲首爲丞相五歲甘露三年薨諡曰定侯

按霸陽夏人爲丞相後徙杜陵而  
葬志之田鎮有黃霸墓不知何據

漢岑彭墓 後漢書本傳彭征蜀所營地名彭亡聞而惡之



欲徙會日暮蜀刺客詐爲亡奴降夜刺殺彭彭首破荆門  
長驅武陽持軍整齊秋毫無犯邛穀王任信聞彭威信數  
千里遣使迎降會彭已薨帝盡以任所貢獻賜彭妻子諡  
曰壯侯

按犍縣有岑彭溝縣  
志以爲彭墓在焉

晉潘岳墓 水經注羅水又西北逕潘岳子父墓前有碑  
岳父茝瑯琊太守碑石破落文字缺敗

晉潘岳墓 水經注岳碑題云給事黃門侍郎潘君之碑碑  
云君遇孫秀之難闔門受禍故門生感覆醢以增慟乃樹  
碑以記事太常潘尼之辭也

晉三田冢

李通志冢在鞏縣西有三冢相傳葬田真田廣

田慶

按鞏志以三田為隋人辨在宅里門

唐杜甫墓

温公詩話杜甫終於耒陽藁葬之至元和其孫

始改葬於鞏縣

按偃志據元微之撰墓銘以工部墓為在首陽山前當陽侯之墓次而鞏縣康家店卽山上有工部墓志遂以為始葬偃而復遷鞏今攷微之作墓誌時乃途次荆楚據譜謂當葬當陽侯之墓次其實歸葬于鞏不葬於偃也又冢旁有二冢縣志以為宗文宗武附葬云

宋遂國公墓

李通志墓在鞏縣西南遂國公太宗孫諡昭

裕

金石攷皇從臣衛州防禦使遂國公墓銘嘉祐五年

歐陽修撰

宋高密侯墓

〔李通志〕墓在鞏縣西南高密太宗曾孫

〔金

石攷高密侯墓河南永安縣修為撰銘

按金石攷據歐陽集載皇從任筠州團練使安陸侯康州刺史高密侯右監門衛將軍廣平侯皇從孫監門衛將軍右屯衛大將軍武當侯右監門衛將軍夫人周氏右監門衛將軍夫人金堂縣君錢氏武昌縣君郭氏東陽縣君鄭氏俱葬河南永安縣修各為撰銘又據温公集載華陰侯仲連墓銘右屯衛大將軍令邦墓銘及皇從侄右屯衛將軍士虬墓記皆在永安縣今其墓俱不可確指錄之以備參稽

宋吳王顥墓

〔東都事畧〕英宗次子吳王顥薨年四十七哲

宗哭之慟成服苑中贈尚書令兼中書令諡曰榮顥薨之

五日以月朔應視朝于文德殿哲宗以顥未成服改視垂

拱云顯通經史工飛白善鼓琴神宗臨御久友愛彌篤哲宗尊禮尤隆既薨葬于永厚陵之北徽宗卽位追封吳王

宋趙普墓

東都事畧太宗謂近臣曰趙普國初元勛先帝

與朕最爲舊故能斷大事盡忠國家真社稷之臣聞其殂謝悽愴之懷不能已因出涕左右皆感慟贈尚書令封真定郡王諡曰忠獻太宗撰神道碑親八分書以賜之遣右諫議大夫范杲攝鴻臚卿護喪事葬日設鹵簿鼓吹如式舉唐制也

李通志墓在鞏縣西

宋高懷德墓

東都事畧懷德尚宣祖女燕國長公主加駙

馬都尉卒年五十七贈中書令渤海郡王諡曰武穆

李

通志墓在鞏縣西南懷德歸德軍節度使

宋寇準墓

東都事畧準貶雷州司戶叅軍太宗嘗得通犀

命工為二帶一以賜準及是準遣人取自洛中至數日具

朝服被帶北面再拜呼左右趣設卧具就榻而卒年六十

三詔許歸葬西京李通志墓在鞏縣西準没于雷州詔

許歸葬西京即此仁宗題其額曰旌忠

按萊公墓在鞏縣西南寇家灣蓋陪葬真宗陵也

宋包拯墓

東都事畧拯拜禮部侍郎樞密副使終于位年

六十四贈禮部尚書諡曰孝肅

按鞏縣西南後泉溝有孝肅墓亦陪葬真宗陵也

元張恩墓

李通志墓在鞏縣西南坊郭保恩安撫使

金

石攷鞏縣有元清河郡侯張公神道碑至元口年歐陽元

撰

以上鞏縣

周冉伯牛墓

李通志墓在孟津縣西舊清河城耕孔子弟

子

按孟津志據文獻通考伯牛魯人墓在山東東平州又輿圖秘考伯牛洛人直隸永平縣亦有伯牛墓而孟津沿稱既久姑依通志存之

漢樊噲墓

前漢書本傳噲還至滎陽益食平陰二千戶

將軍守廣武

按孟津古平陰也噲食平陰二千戶後今孟津樊山下有噲墓然噲又封舞陽侯通志載噲墓在舞陽縣上

十四里可

兩存之

漢梁孝王墓

漢書文三王傳梁孝王北獵梁山有獻牛足

上出背上孝王惡之六月中病熱六日薨

按孟津志東關有梁孝王墓他無所見攷前漢書注張晏曰足當處下所以輔身也今出背上象孝王背朝而干上也北者陰也又在梁山明為梁也牛者丑之畜衝在六月北方數六故六月六日王薨也

晉裴氏塋

水經注灑水出梓澤中澤北對原阜即裴氏墓

塋所在碑闕存焉

按道元水經注裴氏墓塋在灑水源之北今其地入孟津據孟津志魏裴潛墓在輝彰溝魏志潛河南尹正始五年薨追贈太常諡曰貞侯遺令儉葬墓中惟置一坐瓦器數枚其餘一無所設子秀晉書本傳列秀子頤秀從弟楷楷子與憲楷弟綽且曰裴王二族盛於魏晉之世時人以爲八裴方八王嶽比王祥楷比王衍康比王

綏綽比王澄瓚比王敦還比王導顧比王戎邈比王元  
云而洛陽朝市圖有裴楷墓即水經注所謂裴氏墓塋  
蓋梓澤北原舊屬洛陽今乃入孟津耳不但列裴潛裴  
楷墓者以水經注既曰裴氏墓塋則塋中固不獨裴潛  
裴楷二人墓也

唐穆寧墓 [文苑英華] 穆員撰元堂誌畧云公棄養于東都

歸義里嗣子贊洎質員賞奉遷靈座附曾王父母子偃飾

首陽山之北原公嘗避亂奔行在轉秘書少監

按首陽山北原今入孟津穆員又撰河東郡太夫人裴  
氏墓誌云歸于首陽山北原先公之居蓋雖合窆而實

二誌 云 以上孟津

戰國韓昭侯墓 [李通志] 墓在宜陽縣西周顯王時諸侯

按宜陽為古韓地故昭侯墓在焉而縣  
志又以為有張良墓則未免附會耳



三國魏二杜墓 〔李通志〕墓在宜陽縣西杜畿尚書左僕射

杜恕幽州刺史俱葬此

按宜陽志  
墓在韓城

唐獨孤通理墓 〔文苑英華〕獨孤及撰墓表畧云朝散大夫

贈秘書監獨孤通理先窆於洛陽龍門山後塋伊水西甘

泉鄉之原

唐獨孤及墓 〔文苑英華〕墓在宜陽縣西撰神道碑畧云有唐碩量

深識之士曰獨孤常諱及字至之贈秘書監通理之第

四子葬於河南府壽安縣某原先秘監之塋

唐獨孤郁墓 〔昌黎全集〕獨孤郁墓志銘畧云常州刺史贈

唐獨孤郁墓志銘畧云常州刺史贈

禮部侍郎憲公諱及之第二子遷秘書少監卒贈絳州刺史

史葬河南壽安之甘泉鄉家塋憲公墓側

按壽安今宜陽地  
金石攷入洛陽誤

宋尹源墓 歐陽文集太常博士尹君墓志銘畧云君諱源

字子漸卒于官至和元年其子材葬君于河南府壽安縣

甘泉鄉龍洲里其平時所為文章六十篇皆行於世

宋尹洙墓 歐陽文集尹師魯墓誌銘畧云師魯河南人天

下之人識與不識皆曰師魯客其喪于南陽不能歸平生

故人無遠邇皆往賻之然後妻子得以其柩歸河南葬于

先塋之次

按師魯兄源墓誌云父諱仲宣官至虞部員外郎贈工部郎中歐公子師魯墓誌又云余與師魯兄弟交嘗銘其父之墓則尹氏父子兄弟皆歐公撰墓銘也又攷餘冬序錄云歐陽永叔為師魯作墓銘與尹材書曰刻石時首尾俱不要留官銜題目及撰人書人刻字人姓名晉以前皆不著撰人姓名此古人有深意久遠自知篆蓋祇著尹君師魯四字

宋張思叔墓 百詳宅里門

按宜陽志思叔墓在東店七里

元賈辛墓 李通志墓在宜陽縣東北石村保辛晉寧路總

管封武威郡侯

元郭實美墓 李通志墓在宜陽縣西韓城保實美總管

按宜陽志唐代有段志賢墓在段村西附見于此

以上宜陽

許由冢 史記太史公曰予登箕山其上蓋有許由冢云

巢父墓 李通志墓在登封縣東南四十里巢父堯時隱者

夏啟母墓 帝王世紀陽城有啟母冢 李通志墓在登封

縣西

按啟母既有墓則淮南化石之說不辨而知其謬矣意陽城啟母墓傍有石破裂後人遂附會而生石破生啟之說如是則啟母墓宜近啟母石而李濂志以為在登封西今亦無可考

周頽考叔墓 見縣志

按李濂通志頽考叔墓在襄城縣東北而登封志以為在縣西翟峪溝夫翟峪古頽谷也考叔常為頽谷封人墓不必在頽谷也當以襄城為是

後魏京兆王墓 魏書京兆王子大興病請為沙門詔皇太

子於四月八日爲之下髮更名僧懿居嵩山太和二十二年終

按嵩山上峻極峯北有地名墓坡  
蓋京兆王墓也俗譌爲景莊王

唐李少安墓

文苑英華權德輿撰墓誌畧云元和三年感

疾不起于長安興化里第君温仁孝友嘗爲長安主簿尹  
守以爲能嗣子奉轎車祔於東都潁陽縣之某原

唐盧殷墓

昌黎文集登封縣尉盧殷墓誌畧云元和五年

十月范陽盧殷以故登封縣尉卒登封君能爲詩詩可傳  
者千餘篇愈爲買棺又作銘葬嵩下鄭夫人墓中

按登封盧店有元懷孟路總管孫顯墓潁陽  
西有元禮部尚書太原郡侯温某塞併附

以上登封

晉盛彥家

李通志家在水寧縣東彥有孝行人稱孝公墓

按晉書孝友傳彥字翁子廣陵人也母王氏因疾失明彥每言及未嘗不流涕於是不應辟召躬自侍養母食必自哺之母既疾久至于婢使數見捶撻婢忿恨伺彥蹙行取蟻蟪炙飴之母食以為美然疑是異物密藏以示彥彥見之抱母慟哭絕而復蘇母目豁然即開從此遂愈陸雲薦之於刺史周浚云

唐王質墓

金石攷唐左散騎常侍王質神道碑開成二年

劉禹錫撰碑云墓河南府水寧縣洛川鄉史原從舊阡也

宋穆仕墓

李通志墓在水寧縣北大邑保仕元帥

宋何頡墓

李通志墓在水寧縣東北楊坡保頡嘗從東坡

學詩卒葬于此世名為詩客冢

宋花用吉墓

李通志墓在水寧縣東吳村保用吉鈞州

撫使

元薛庸齋墓

李通志墓在永寧縣王范鎮庸文人

按薛元字庸齋李

通志作薛庸誤

元游環墓

李通志墓在永寧縣東北楊坡保環善辭賦

元全寶墓

李通志墓在永寧縣南河鎮寶永寧王

元張俞冢

李通志墓在永寧縣東俞蜀人遊驪山及韓岳

卒葬此

明宋禮墓

李通志墓在永寧縣西錦陽山禮工部尚書曾

榮撰墓銘云瞻彼洛西閭閻是崇善積慶流委祉於公公

在亂幽厥志斯奮發其蘊儲際此昌運兩遷外臺憲軌肅

清薦歷郎署益馳俊聲繼登儀曹克贊邦禮晚列冬官朱  
轍有煒迫于龍飛恩命惟新公乃弗祿念公舊臣體魄既  
歸妥此窀穸銘無愧辭以勒貞石  
以上永寧

秦甘羅墓

李通志墓在新安縣東五里羅秦上卿鄢陵縣

亦有墓

魏母邱興盛墓

水經注穀水東逕魏將作大匠母邱興盛

墓南二碑存焉儉父也管輅別傳曰輅嘗隨軍西征過其

墓而嘆謂士友曰元武藏頭青龍無足白虎衝尸

衝魏志作衝

朱雀悲哭四危已備法應滅族果如其言

按母邱興盛魏志作母邱興儉之父也管輅傳又作過儉墓下實儉父興墓也據水經注說在白起壘下



關上縣志謂在慕容山下是也但以母邱列唐墓中  
矣又習鑿齒曰母邱儉感明帝之顧命故起兵討司馬  
師君子謂母邱儉事雖不成可謂忠臣矣夫竭節而赴  
義者我也成之與敗者時也我苟無時成何可必乎忘  
我而不自必乃所以爲忠也古人有言死者  
復生生者不愧若母邱儉可謂能不愧也

隋韓擒虎墓

隋書本傳隣母見擒門下儀衛甚盛有同王

者母異而問之其中人曰我來迎王忽然不見又有人疾

篤忽驚走至擒家曰我來謁王左右問曰何王也荅曰閻

羅王擒子弟欲撻之擒止之曰生爲上柱國死作閻羅王

斯亦足矣因寢疾數日竟卒 李通志墓在新安縣西二

十里

按隋書唐人所作擒  
下去虎字避諱也

唐袁天綱墓

李通志墓在新安縣西天綱太史

按新安志墓在縣西二十五里蘆院保廣輿記涿州亦有天綱墓

唐李淳風墓

李通志墓在新安縣西淳風太史

按新安志墓在縣西二十里官莊保地輿記四川簡州亦有淳風墓

唐張海仙墓

金石攷唐處士張海仙誌畧大歷八年令狐

士宗撰

唐權叅軍隼墓

文苑英華在新安縣權德輿撰墓誌

五代漢清河太君墓

金石攷新安有後漢清河郡太君誌

銘乾佑三年王德成撰

按誌太君張氏累贈太常少卿王公玳之妻秦寧君節度副使筠之母塋于河南府河清縣長泉先少卿之墓

宋錢若水墓 李通志墓在新安縣西南五里若水集賢學

士贈工部尚書

宋錢緯墓 金石攷新安錢宣靖公祠久圯明嘉靖間御史

宋儀望重修版築之初掘土得石爲壽昌縣君高氏誌高

爲殿中丞錢緯配緯爲宣靖公若水之孫也夫人葬河南

新安縣新鄉夷子里暖泉村耐殿中君之塋 以上新安

唐李抱真墓 文苑英華穆員撰墓志畧云抱真本姓安氏

從父兄 從涼國公抱玉事肅宗代宗勲著王室錫以天

姓公以軍功轉左僕射同中書門下平章事又遷司空食

實封五百戶卒葬於澠池禱先君太保之塋

宋張玘墓

宋史本傳玘世居澠池嘗從岳飛復京西六州

後屯泗州海州圍急詔會鎮江都統張子蓋赴之環城數

十匝矢石如雨玘戰于州北三里麾精騎衝其陣手殺數

十人殲其長殺獲萬計圍遂解玘亦中流矢卒子蓋上其

功特贈觀察使孝宗又贈清遠軍承宣使

按澠池志玘墓在治北百二十里南村城南山下據史卒于海州豈其子孫得以公歸葬與

元楊文質墓

李通志墓在澠池縣西文質宣慰使封宏農

郡侯

按澠池志楊文質名彬墓在治西二十五里沙村元丞相夔夔有記又據金石攷澠池有飛騎尉洛陽男楊君世慶碑元統三年李木魯  
神撰夔夔書張起巖篆額

明曹端墓 李通志墓在澗池縣北端霍州學正

按山西通志及曲沃志俱載月川墓在霍州高氏之原從夫人墓也據年譜正統丁卯翰林黃諫捐貲屬先生子琇歸葬澗池窟陀里又謝琚月川祠記云月川以甲寅年終于官權葬霍之高氏之原琇璟二子廬墓邦人稱其孝丁卯遷柩歸葬澗池祖塋

以上澗池

古尹姑冢 李通志冢在嵩縣南空桑澗卽伊尹母

按嵩志有戰國秦王家韓王墓及漢葛將軍墓事無可徵故不列

唐元德秀墓 金石攷魯山墓碣在陸渾南四里建中四年

李華撰顏真卿書李陽冰篆唐人以事辭書篆非常謂之

四絕碑又元結撰墓誌銘

唐李素墓 昌黎文集河南少尹李公墓誌銘畧云元和七

河南府志 卷之十四 墓 三  
年葬河南伊闕鳴臯山下曾祖宏泰簡州刺史祖乾秀伊  
闕令父燧宣州長史自簡州而下皆葬鳴臯山下

唐房瑁墓

工部全集有詩云遠聞房太守歸葬陸渾山

按嵩志瑁墓在古城

宋邵康節父墓

二程全書明道撰康節墓誌云父諱古隱

德不仕先生之幼從父徙共城晚遷河南葬其親於伊川

宋邵雍墓

李通志墓在嵩縣北新店保諡康節明道撰墓

銘云嗚呼先生志豪力雄濶步長趨凌高厲空探幽索隱

曲暢旁逼在古或難先生從容有問有觀以飫以豐天不

憖遺哲人之凶鳴臯在南伊流在東有寧一宮先生所終

宋呂誨墓 司馬溫公集右諫議大夫呂誨墓銘云獻可葬

伊闕先塋 李通志墓在鳴臯山下

按宋史呂誨以諫用安石求去出知河南有疾乞休提舉崇福宮表謝猶以身諭朝政言臣本無宿疾值醫者用術乖方任意妄投湯劑差之指下禍延四肢一身之微固無足血奈九族之託何誨凡三居言責所爭皆關朝廷大事疾草光往省至則目已瞋矣光哭之誨聞其聲蹙然而起張目強視曰天下事尚可為君實勉之遂卒蓋公之惓惓以天下為憂雖死猶不忘云

元張伯玉墓 金石攷嵩縣有張左丞碑銘王昶撰

按嵩志左丞張伯玉墓在東關志又稱孫教化李指揮墓俱在惠明山下蘭溪墓在省元村東樞久公墓曲出不花墓俱在雙渠村皆元人並附此

以上嵩縣

補遺

周襄王陵

李壁王荆公詩注晏丞相嘗有題鞏縣西門周

襄王廟詩云人來人去市朝變山後山前煙霧凝縈帶二

川河洛水寂寥千古帝王陵

按晏公題襄王廟詩而曰帝王陵近廟有陵可知今地不可攷鞏故城有鞏王廟未知是否

宋張詠墓

湧幢小品周濟洛陽人母喪躬自營葬域見良

方多磚公曰此必古者不封之墓即掩之因增土數尺是

夜夢一老人衣冠甚偉揖謝曰感公修吾宅問其名乖崖

也既覺悟曰乖崖乃張詠之號已而考之實葬其地

宋夏竦墓

湧幢小品夏英公好術數於洛中得善地迨葬

時其子龍圖安期已貴顯當開塋域不自督委之幹者其



地乃古侍中壅穴也故槨碑刻具在諱不以白取棺於旁  
近埋之葬未幾而龍圖死其婦挈貲財數萬改適弟又得  
罪廢焉

### 近代冢墓附

按古蹟陵墓徵引古書以李濂通志年代爲斷自通志  
後明及國朝冢墓從各縣志采入者則別附於後既  
欲體不相亂亦  
使以類相從也

明

李郁墓在府城北卽山麓

郁侍郎  
金問誌墓

翟瑄墓在府城北卽山麓

瑄尚書  
子銓誌墓

潘瑄墓在府城北卽山原

瑄副使  
畢孝誌墓

翟廷蕙墓在府城北卽山 廷蕙副使 喬縉誌墓

商賓墓在府城北卽山望朝嶺 賓禮科給事中 知府永傑始祖

張瀾墓在府城史家灣北 瀾按察使 何塘誌墓

史簡墓在府城北卽山 簡布政使 劉健誌墓

張文墓在府城瓦窰溝 文太僕卿 劉思賢誌墓

吳瀚墓在府城北卽山翠雲峯後 瀚巡撫 許誥誌墓

孫應奎墓在府城北卽山 應奎尚書

尤時熙墓在府城西澗水東 時熙主事學者稱西川先生 張元林誌墓

沈應時墓在府城西北卽山麓 應時尚書 劉贊誌墓

劉贊墓在府城北卽山陽 贊按察司副使

董堯封墓在府城東北鄭家凹堯封尚書

王邦瑞墓在府城西南秦山邦瑞宜陽人尚書

張松墓在府城卽山之陽松都御史張四維誌墓

謝江墓在府城東北十里江給事中

陳大壯墓在府城七里橋西大壯郎中

溫如璋墓在府城西澗水東如璋都御史吳三樂誌墓

劉廣業墓在府城北卽山廣業按察使陳惟芝誌墓

楊歸儒墓在府城北卽山歸儒布政使汪輝誌墓

劉衍祚墓在府城北卽山衍祚按察使魏養蒙誌墓

魏養蒙墓在府城東五里堡養蒙尚書

秦道顯墓在府城鵲店西

道顯參政朱之蒲誌墓

何箎墓在府城鳳凰保

箎知縣郭興言誌墓

張以謙墓在府城北窰東

以謙參政顧秉謙誌墓

張淵墓在府城史家灣

淵按察司使

來秉衡墓在府城北大家後道西

秉衡舉人明季殉難

張其璉墓在府城東北馬家坡

其璉濮州牧明季城守盡節贈山東按察司使

曹節婦墓在府城東火燒街西北

節婦張氏適曹昂正德間流賊攻洛不受辱壯

溼水死

閻存姐墓在府城南五里

國朝

董篤行墓在府城西北望朝嶺篤行副都御史呂兆琳誌墓

張所修墓在府城北卽山所修徵士

郭一鵬墓在府城東北卽山上一鵬杭嚴道薛所蘊誌墓

史鳳植墓在府城東北五里堡良植知縣

袁拱墓在府城東金村鎮後廿

李學裕墓在府城東孔家寨學裕布政使方苞誌墓

### 明

高資墓在偃師白雲山陽資紹興知府

李暢墓在偃師南楊村暢給事中

詹士華墓在偃師東十里士華右布政

高惟孝墓在偃師西北三里 惟孝知府

張時中墓在偃師南四十里 時中贈副憲

張蒲墓在偃師西七里 蒲布政使

蘭完植墓在偃師北印山 完植知府

張其平墓在偃師東十里 其平誌墓 其平巡撫

國朝

張岳墓在偃師南龍尾坡 岳總鎮

董色起墓在偃師南蔣村 色起知縣

王德顯墓在偃師西北二里 德顯知縣

張爾統墓在偃師西五里 爾統國子監助教 孝子光旨

張鈔墓在偃師西北切山麓

鈔知府

蘭挺達墓在偃師東北切山上

挺達都給事中

張杞墓在偃師西六里

杞知府

姬之簋墓在偃師西北埧頭坡

簋主事

喬履信墓在偃師黃土岡下

履信主事

武紹周墓在偃師淮廟村

紹周郎中  
朱筠誌墓

明

魏敏墓在鞏縣坊郭保

敏通政使

劉登墓在鞏縣黃冶村

登參議

竇祥墓在鞏縣坊郭保

祥御史

趙成墓在鞏縣蛾眉嶺 成明威將軍

霍敏墓在鞏縣梢柴務 敏授昭信校尉

馬隆墓在鞏縣神提保 隆提學副使

趙迎墓在鞏縣梢柴務 迎兵備僉事

姚若時墓在鞏縣魯莊 若時通判

國朝

范芝墓在鞏縣涉村 芝洛陽人莊浪道

張乾二墓在鞏縣橫嶺 乾二知縣

曹大先墓在鞏縣白廟東原 大先訓導

孫祚隆墓在鞏縣羅莊南 祚隆贈修職郎



明

陳惟芝墓在孟津西十里 惟芝都御史

喬允升墓在孟津南五里 允升尚書

李天寵墓在孟津城南山下 天寵巡撫

陸坦墓在孟津縣東 教授

國朝

李際期墓在孟津城南 際期尚書諡僖平

王鐸墓在孟津城外西北隅 鐸尚書諡文安子  
大常卿無咎祔

閻紹墓在孟津南山麓 紹知府

明

李文墓在宜陽北山 文郎中

任淮墓在宜陽縣東 淮知州

翟文墓在宜陽縣東 文教諭

明

傅六墓在登封潁陽東南 文員外郎

焦登封南醴泉之佐 子春太僕寺卿

焦宏祚墓在登封顧家河西 宏祚主事

劉景耀墓在登封小金店西 景耀巡撫

常克念墓在登封 克念推官

鄔廷誨墓在登封嵩縣書院左 廷誨登封正事知縣

崔光宇墓在登封文家村  
子參議 應科附

國朝

傅景星墓在登封少室原  
景星少司空

傅作霖墓在登封大金店  
作霖按察副使

耿介墓在登封西南  
介少詹學者稱澠菴先生

景日珍墓在登封東  
日珍禮部侍郎 冉觀祖誌墓

明

趙翥墓在永寧東南  
翥尚書

宋禮墓在永寧錦陽山  
禮尚書

張論墓在永寧金門川  
論巡撫 何吾誌墓

耿裕墓在永寧紫蓋山 裕大師

國朝

張鼎延墓在永寧城東 鼎延侍郎吳偉業作神道碑

明

黑千戶墓在新安永南寨 千戶姓呂小字黑斯洪武時以軍功授指揮千戶不受遂稱黑

千戶為寧陵呂新吾始祖

孟化鯉墓在新安東一里 化鯉郎中贈光祿學者稱雲浦先生

呂孔學墓在縣南二里玉屏山下 孔學忠節父

呂維祺墓在新安東一里 維祺兵部尚書明季殉難贈太傅諡忠節學者稱明德先生

國朝

呂兆琳墓在新安東一里 兆琳御史

呂履恒墓在新安東北 履恒戶部侍郎  
沈德潛誌墓

呂謙恒墓在新安北 謙恒大理寺卿

呂復恒墓在新安東 復恒教諭

呂耀曾墓在新安東 耀曾侍郎  
方苞誌墓

明

王古寶墓在嵩縣牛砦南 古寶少保

齊魯墓在嵩縣九龍山 魯都御史

李興墓在嵩縣莘渠西 興御史

孫鳳墓在嵩縣鐵冶坡 鳳布政使

王守誠墓在嵩縣牛砦南 守誠知府

董相墓在嵩縣莘渠北 相御史 王邦瑞誌墓

湯九州墓在嵩縣嵩坪 九州石埭人 昌平副總兵 戰死九 臯山下

汪輝墓在嵩縣望城岡北 輝禮部侍郎 呂明德有傳

屈動墓在嵩縣張嶺 動給事中

國朝

武君烈墓在嵩縣武村 君烈遊擊 崇祀昭忠祠

河南府

卷之七十四終

河南府志卷之七十五

古蹟志二十一

寺觀一

洛陽

漢白馬寺

水經注漢明帝夢見大人金色頂佩白光以問

羣臣或對曰西方有神名曰佛形如陛下所夢得無是乎

於是發使天竺寫致經像始以榆欐

斲斲欐通謂以榆木為經函

盛經

白馬負圖表之中夏故以白馬為寺名此榆欐後移在城

內愍懷太子浮圖中近世復遷此寺然金光流照法輪東

轉創自此矣

伽藍記白馬寺浮圖前奈林蒲葡萄異於餘

處枝葉繁衍子實甚大奈林實重七斤蒲葡萄實偉於棗味

並殊美冠於中京帝至熟時常詣取之或復賜宮人宮人  
得之轉餉親戚以為奇味得者不敢輒食乃歷數家京師  
語曰白馬甜榴一實直牛〔事物紀原〕漢明時自西域以  
白馬馱經來初止鴻臚寺遂取寺名置白馬寺即僧寺之  
始也

按高僧傳寺名白馬者天竺國有伽藍名招提其處大  
富有惡國王利於財將毀之有一白馬繞塔悲鳴節停  
毀自後改招提為白馬諸處多取此名  
據是則白馬馱經之說猶為後起矣

晉太康寺〔伽藍記〕趙逸見杜子休宅曰此宅中朝時太康

寺也龍驤將軍王濬平吳之後始立寺本有三層浮圖用  
甄為之指子休園中曰此是故處子休掘而驗之果得甄



數十萬兼有石銘云晉太康六年歲次乙巳九月甲戌朔  
八日辛巳儀同三司襄陽侯王濬敬造子休捨爲靈應寺  
晉石塔寺 〔伽藍記〕趙逸曰晉朝三十二寺盡皆埋滅惟此  
寺獨存指園中一處曰此是浴堂前五步應有一井衆僧  
掘之果得屋及井焉

後魏永寧寺 〔伽藍記〕寺靈太后胡氏所立在閭闔門南御  
道西中有九層浮圖高九十丈有剎復高十丈剎上置金  
寶瓶容二十五石瓶下有承露金盤三十重周匝皆垂金  
鐸永熙三年二月浮圖爲火所燒經三月不滅有人地柱  
火尋在周年猶有煙氣其年五月中有人從象郡來云見

浮圖於海中光明照耀儼然如新俄然霧起浮圖遂隱

後魏建中寺

伽藍記寺爾朱世隆所立本劉騰宅在西陽

門內

後魏長秋寺

伽藍記寺劉騰所立騰初爲長秋令因宮在

西陽門內中有三層浮圖作六牙白象負什迦在虛中四月四日佛像常出辟邪師子導引其前吞刀吐火騰曠一面綵幢上索說譎不常奇伎異服冠於都市

後魏瑤光寺

伽藍記寺宣武帝所立在闔闔門內講堂尼

房五百餘間椒房嬪御學道之所掖庭美人並佳其中亦有名族處女落髮來依此寺後爾朱兆入洛胡騎入寺潘

穢京師語曰洛陽女兒急作髻瑤光寺尼奪女婿

後魏景樂寺

伽藍記寺清河王懌所立在閭闔南堂廡周

環出房連接輕條拂戶花蓋被庭至於六齋常設女樂歌  
聲遶梁舞袖徐轉絲管寥亮諧妙入神以是尼寺丈夫不  
得入得往觀者以爲至天堂

後魏昭儀尼寺

伽藍記寺闔官等所立在東陽門內一里

蕭忻云高軒斗升者闔官嫠婦胡馬鳴珂者莫非黃門之  
養息也忻見闔寺寵盛遂發此言因知名

後魏愿會寺

伽藍記寺王翊捨宅立佛堂前有桑樹形如

羽蓋葉凡爲五重每重葉生椹各異京師道俗謂之神桑

後魏光明寺

伽藍記寺在宜壽里段暉捨宅立盜者欲竊

金像與菩薩合聲喝賊盜者驚怖應卽殞倒衆僧聞像叫聲遂來捉得賊

後魏胡統寺

伽藍記寺太后從姑所立在永寧南一里許

寶塔五重金刹高聳洞房周匝對戶交窻朱柱素壁甚爲

佳麗

後魏修梵寺

伽藍記寺在清陽門內有金剛鳩鶩不入鳥

雀不棲菩提達摩云得其真相也

後魏嵩明寺

伽藍記寺在修梵寺西

後魏景林寺

伽藍記寺在開陽門內禪房內置祇洹精舍

形製雖小巧構難比加以禪閣虛靜隱室凝邃嘉樹夾牖  
芳杜匝堦雖云朝市想同巖谷靜行之僧繩坐其內餐風  
服道結跏數息有石銘一所國子博士盧白頭爲文

按以上後魏諸寺  
俱在古洛陽城內

後魏明懸尼寺

〔伽藍記〕寺彭城王總所立在建春門外石

橋南

後魏龍華寺

〔伽藍記〕寺宿衛虎賁所立在建春門外陽渠

南

後魏建陽里十寺

〔伽藍記〕建春門外建陽里有瓔珞慈善

暉和通覺暉元宗聖魏昌熙平崇真因果等十寺里內土

庶所供宗聖寺有像一軀高三丈八尺端嚴殊特相好畢  
備崇真寺比丘惠凝死七日還活經閻羅王檢閱以錯名  
放免時有五比丘同閱有一講經比丘閻羅王云講經者  
心懷彼我以驕凌物比丘中第一龕行令付司一造經像  
比丘閻羅王曰沙門之體必須攝心守道志在禪誦不干  
世事不作有爲雖造作經像正欲得他人財物既得他物  
貪心卽起旣懷貪心便是三毒不除具足煩惱亦付司一  
造寺比丘閻羅王曰卿作太守之日曲理枉法劫奪民財  
假作一寺非卿之力何勞說此亦付司魏昌尼寺李次壽  
所立在聖東南角

後魏景興尼寺

伽藍記寺在石橋南闡官等所立

後魏靈應寺

詳見前太康寺

後魏莊嚴寺

伽藍記寺在東陽門外一里御道北東安里

後魏秦太上君寺

伽藍記寺在東陽門暉文里胡太后正

號崇訓母天下號父為秦太上公母為秦太上君為母追

福因以名焉

後魏正始寺

伽藍記寺在東陽門外敬義里正始中百官

所立因以名

後魏平等寺

伽藍記廣平武穆捨宅所立在青陽門外二

里御道北寺門外金像一軀高二丈八尺相好端嚴常有

神驗孝昌二年十二月中此像面有悲容兩目垂淚遍體  
皆濕時人號曰佛汗京師士女空市里往而觀之有比邱  
以淨綿拭其淚須臾之間綿濕都盡更以他綿換俄然復  
濕如此三日乃止明年四月爾朱榮入洛陽誅戮百官死  
亡塗地永安二年三月此像復汗五月北海王入洛莊帝  
北巡永安三年七月此像悲泣如初十二月爾朱光入洛  
擒莊帝于晉陽

後魏景寧寺

〔伽藍記〕寺楊椿所立在青陽門外景寧里椿

居此里遂分宅爲寺因以名焉

後魏寶明寺

〔伽藍記〕青陽門外孝義里西北蘇秦冢冢旁



有寶明寺

按以上諸寺俱在古洛陽城東今其地或入偃師依伽藍記盡入洛陽說見宅里門

後魏景明寺

伽藍記寺宣武帝景明年中立因以為名在

宣陽門外一里御道東四月七日京師諸像皆來此寺尚

書祠部曾曹錄像名有一千餘軀至八日以次入宣陽門

向閭闔宮前受皇帝散花于時金花映日寶蓋浮雲幡幢

若林香煙似霧梵樂法音聒動天地百戲騰驤所在駢比

時有西域胡沙門見此唱言佛國永熙中詔國子祭酒邢

子才為寺碑文子才河間人

後魏大統寺

伽藍記寺在景明寺西

後魏招福寺

伽藍記寺在大統寺南世人謂是蘇秦舊宅

後魏秦太上公二寺

伽藍記二寺在景明南一里西寺太

后所立東寺黃姨所造並爲父追福因以名之時人號爲

雙女寺

後魏報德寺

伽藍記寺孝文所立爲馮太后追福在開陽

門外三里

後魏勸學里三寺

伽藍記開陽門外有漢國子學堂太和

十七年高祖題爲勸學里里有大覺三寶寧遠三寺周圍  
有園珍果出焉有梨如承光寺亦多果木奈味甚美冠於

京師

按金石錄大覺寺碑陰題韓毅書當時碑碣往往不著姓氏毅以書知名故特自著之寺在洛陽卽勸學里寺也

後魏正覺寺

伽藍記寺在延賢里尚書令王肅所立肅在

江南之日聘謝氏女爲妻及至京師復尚公主謝作五言詩以贈之其詩曰本爲簿上蠶今作機上絲得路逐勝去頗憶纏綿時公主代肅答謝云鍼是貫綿物目中恒任絲得帛縫新去何能納故時肅甚有愧謝之色遂造正覺寺以憇之

後魏龍華追聖二寺

伽藍記龍華寺廣陵王所立也追聖

寺北海王所立也並在報德寺之東法事僧房比秦太上公京師寺皆種襍果而此三寺園林茂盛莫與之爭

按後魏龍華寺有二  
一在城東一在城南

後魏菩提寺

伽藍記西域胡人所立在慕義里沙門發冢

得一人以進太后問侍郎徐紇曰上古以來頗有此事否

紇曰昔魏時發冢得霍光女婿范明友家奴說漢朝廢立  
與史書相符此不足為異也

後魏高陽王寺

伽藍記寺高陽王雍之宅也在津陽門外

三里

後魏崇虛寺

伽藍記寺即漢之濯龍園延熹九年桓帝祠

老子於濯龍園設華蓋之坐用郊天之樂此其地也

按濯龍園據百官志本注園近北宮是濯龍園在城內  
也伽藍記以為城外西南崇虛寺即漢濯龍園恐非

真。以上諸寺俱  
在古洛陽城南

後魏冲覺寺

伽藍記寺太傅清河王懌捨宅所立  
在西明

門外一里

後魏宣忠寺

伽藍記寺在西陽門外城陽王徽所立  
永

中北海入洛莊帝北巡諸王各懷二望唯徽獨從莊帝至  
長子城大兵阻河雄雌未决徽願入洛陽捨宅為寺及北  
海敗國道重暉遂捨宅焉

後魏王典御寺

伽藍記寺在宣忠寺東闔官王桃湯所立

時闔官伽藍皆為尼寺惟桃湯獨造僧寺世人謂之英雄

門

後魏光寶寺

〔伽藍記〕寺在西陽門外有三層浮圖一所以

石爲基形製甚古趙逸曰晉朝石塔寺今爲光寶寺也

後魏法雲寺

〔伽藍記〕寺西漢沙門曇摩羅所立在光寶寺

西摩羅咒枯樹能生枝葉凡人變爲驢馬見之莫不忻怖

西域所賣舍利骨及佛牙經像皆在此寺

後魏開善寺

〔伽藍記〕準財里內有開善寺京兆人韋英宅

後捨爲寺

後魏追光寺

〔伽藍記〕寺東平王晷宅也後捨爲寺

後魏融覺寺

〔伽藍記〕寺清河王懌所立在閭闔門外

後魏大覺寺

〔伽藍記〕寺廣平王環捨宅立在融覺寺西永

熙中平陽王卽位遣驍浮圖一所詔中書舍人溫子昇爲  
文

後魏永明寺

伽藍記寺宣武帝所立在大覺寺東沙門二

千餘人西域遠者乃至大秦國南中有歌營國去京師甚

遠雖二漢及魏亦未嘗至今始有沙門拔陀自去北行一

月至勾稚國北行十二日至孫典國又北行三十日至扶

南國方五千里南夷之國最爲大又北行一月至林邑國

出林邑入蕭衍國拔陀又云古有奴調國乘四輪馬爲車

斯調國出火洗布以樹皮爲之凡南方諸國亦與西域大

秦安息身毒諸國交通往來

按以上諸寺在古洛陽城西

後魏禪虛寺

〔伽藍記〕寺在大夏門御道西前有闕武場歲

終農隙甲士習戰千乘萬騎常在於此羽林馬僧相善無

角戲擲戟與百尺樹齊等虎賁張車渠擲刀出樓一丈帝

亦觀戲在樓恒令二人對為角戲

按晉宣武塲在大夏門東北竹林七賢論曰王戎幼而清秀魏明帝於宣武塲上為欄苞虎阱使力士袒襦送與之搏繞百姓觀之戎年七歲亦往觀焉虎乘間薄欄而吼其聲震地觀者無不辟易顛仆戎亭然不動帝於門上見之使問姓名而異之附見于此

後魏疑元寺

〔伽藍記〕闕官賈燦所立在廣莫門外承平里

地形高顯下臨城闕房廡麗精竹柏成林實淨行息心之



所也

按以上二寺在古洛陽城北

後魏北印二寺

伽藍記北印山上有馮王寺齊獻武王寺

魏書馮熙傳熙信佛法自出家財建浮圖精舍其北印

寺碑文中書侍郎賈元壽之詞高祖頻登北印寺親讀碑

文稱為佳作

後魏闕口二寺

伽藍記京南闕口有石窟寺靈巖寺

按後魏龍門八寺見伽藍記有二焉餘詳在下

後魏瀍澗二寺

伽藍記京西瀍澗有白馬寺照樂寺

按後魏白馬寺有二一在西陽門外三里御道南一在京西瀍澗間○又按伽藍記洛陽寺凡有一千三百六

十七所天平元年遷都鄴城洛陽餘寺四百二十一所其北邙二寺灑澗二寺闕口二寺乃郭外不在限數

### 後魏龍門八寺

**名勝志**龍門有八寺其最著者曰奉先曰

### 香山

按後魏所建龍門八寺見于伽藍記者惟有石窟靈巖二寺餘六寺見于舊洛志者曰乾元曰廣化曰崇訓曰寶應曰嘉善曰天竺而奉先香山不與焉然奉先香山據舊洛志亦建于後魏時八寺外益以奉先香山則為十寺故居易記曰龍門十寺香山為冠名勝志舉龍門八寺之名而並數奉先香山其亦弗深考歟至八寺遺址據薩天錫龍門記伊闕兩岸舊有八寺無一存者但東崖嶺有壘石址兩區餘不可辨又孫應奎乾元寺記舊在伊闕東山巔魏時龍門八寺惟此為甲去村寫遠嘉靖間遷于山麓今香山寺亦非舊址乃康熙間所建舊址猶在今寺東南嶺上又金石攷龍門有敬善寺石像銘而舊志有嘉善無敬善當有一誤○又按據言裴晉公質狀彫小有相者曰郎君若不至貴即當饑死一日遊香山寺有婦人以父被罪假得玉帶二犀帶一以

洛津要置于欄楯忘收而去度得而授之後見相者曰  
必有陰德及物前程萬里非某所知也又李白杜甫皆  
有題奉先寺詩韋應物楊巨源皆有題香山  
寺詩則龍門十寺至唐時惟二寺最盛矣

### 隋敬愛寺

公私書史隋敬愛寺有孫尚之畫在洛陽

按洛志隋天女寺雲花寺有展子虔畫光發寺有董伯  
仁畫恩覺寺有袁子昂畫俱見公私書史在洛陽又洛  
陽西南延秋保有隋落雁寺開  
皇王寅歲建相傳為金舌禪院

### 隋漢王寺

方輿紀要寺在府東隋楊元感作亂遣其弟積

善將兵自偃師南緣洛水西入東都遣達奚善意拒之善  
意渡洛南營于漢王寺

### 唐昭覺寺

大典錄秦王破王世充洛州立昭覺寺

### 唐龍門三龕

集古錄三龕在河南龍門山山夾伊水東西

可愛壁間鑿石爲佛像後魏及唐時所造惟此三龕像最  
大乃魏王泰爲長孫皇后造也

按後魏胡太后崇信浮屠鑿崖爲窟中刻佛像後人踵  
而爲之尺寸可磨悉鑄佛像卽所謂石窟寺也其地猶  
在唐人三龕之南  
三龕今名賓陽洞

唐修行寺 **太平寰宇記**棠棣碑在河南縣西修行寺永徽

初立二碑

按金石錄云唐史循吏傳賈敦頤敦實相繼爲洛川刺  
史長史有惠愛郡人皆爲刻石號棠棣碑今敦實之碑  
亡矣此碑載初除洛州制書有云三川之境是稱都會  
六條之寄尤屬時英蒲州刺史賈敦頤體業強正識用  
優敏蓋其名乃敦頤也又武后實錄敦實  
傳中亦作敦頤以此知唐史傳寫之誤

唐淨土寺

**高僧傳**顯慶五年帝幸東都勅召僧義褒慧立

等詣洛京見帝于合璧殿敘論稱旨留住東都淨土寺

唐大雲寺 唐書武后紀 天授元年置大雲寺 名畫記東

都大雲寺門東兩壁鬼神佛殿上菩薩六軀淨土經變閣

上婆叟仙並尉遲畫

唐佛授記寺 高僧傳 長安元年詔賢首於東都佛授記寺

講新華嚴經至華藏世界品大地震動即日召對長生殿

問帝網十重六相之義 法師義淨傳 高宗咸亨二年往

西域求佛經孤征二十五年歷三十餘國還至河洛得梵

本經律論近四百部合五十萬夾金剛座並容一鋪舍利

三百粒太后親迎於上東門外奉安佛授記勅令翻譯

唐安樂寺

唐書五行志安樂公主於洛州造安樂寺

唐昭成寺

朝野僉載洛川昭成佛寺有安樂公主造百寶

香爐高三尺開四門縑來線去鬼出神入一切寶貝用錢

三萬

名畫記昭成寺西廊障日西域記圖楊廷光畫三

門下護法二神張遵禮畫香爐兩頭淨土變藥師變程遜  
畫

唐荷澤寺

柳氏舊聞明皇幸東都值旱遣高力士召天竺

僧無畏祈雨無畏捧水一鉢以小刀攪旋之顧謂力士去

雨且至力士疾馳回視白氣如匹練馬及天津風雨驟至

比奏衣盡沾濕遂於其地造荷澤寺

唐福先寺

唐書皇甫湜傳裴度辟為判官度修福先寺將

立碑求文於白居易湜怒曰近捨湜而遠取居易請從此

辭度謝之湜即請斗酒飲酬援筆立就度贈以車馬繪綵

甚厚湜大怒曰自吾為顧况集序未嘗許人今碑字三千

字三縑何遇我薄耶度笑曰不羈之才也從而酬之 名

畫記福先寺三階院吳畫地獄變像有病龍最妙寺三門

兩頭亦似吳畫 集古錄韓退之題名二皆在洛陽其一

在嵩山天封宮石柱上刻之其一在福先寺塔下

按福先寺神龍元年建在洛陽東  
五壁塔兒灣後移在北各塔寺

唐玉泉寺

名勝志六一稿云唐九僧集曩已亡矣予遊萬

安山之玉泉寺于進士閔交如舍得之交如舉進士後隱  
居此山終身不出

按玉泉寺唐大通神秀禪師講律道汾陽王  
郭子儀奉勅建後天成年明宗改名得當寺

### 唐天宮寺

圖畫見聞誌開元中將軍裴旻詣吳道子請于

東都天宮寺畫神鬼數壁以資冥助道子荅曰吾畫筆久  
廢若將軍有意為吾纏結舞劍一曲庶因猛勵以通幽冥  
旻乃揮劍入雲高數十丈若電光下射引手執鞘承之劍  
透室而入觀者數千人無不驚慄道子于是援毫圖畫  
然風起為天下之壯觀道子平生繪事得意無出于此

### 唐惠林寺

唐書李愷傳李源留守愷之子痛父死祿山之



難誓不婚娶依墜別墅改惠林寺祠殿乃其先寢未嘗輒踐穆宗長慶初遣中使賫手詔緋袍牙笏絹二百疋往洛陽惠林寺宣賜源苦陳年高疾甚固辭竟卒于寺

唐安國寺

李通志寺在府治南唐咸通間建明洪武初置

僧綱司於內

按安國寺今名鐘樓寺在府西南隅

五代廣愛五寺

尹和靖集楊凝式墨蹟甚多在洛陽城佛

寺中今存者廣愛長壽天宮甘露興教凡五處皆題於壁  
距今踰八十年字頗欲落不可辨者十有三四天王院僧  
繼明擇字之最完者得長壽甘露雨壁總八十七模刻於

石

按尹和靖集所載廣愛五寺其天宮寺已見于唐餘四寺不知起于何時寺各有揚疑式題字故列于五代

宋法祥寺

**李通志**寺在府城東夾馬營卽宋太祖誕生之

地建隆二年建初爲應天寺後改今額

按法祥寺據洛陽志以爲卽今縣學宮也

宋褒賢寺

**金石攷**寺在洛陽范文正公忠宣公墓在其地

是寺爲奉祠之所內有仁宗所篆褒賢碑

宋旌孝寺

**李通志**寺在府城南宋皇祐元年建寺傍有程

子墓

宋大字寺

**名園記**大字寺園唐白樂天園也寺中樂天刻

甚多

宋潛溪寺

歐陽修牡丹花品潛溪緋者千葉緋花山于潛

溪寺本唐李藩別墅紫花叢中特出緋者一二朶明年移

在他枝洛人謂之轉枝花

按金石錄潛溪在洛陽龍門山側地有溪谷之勝

宋普明僧舍

司馬光耆英會序昔白樂天在洛與高年者

八人遊時人慕之為九老圖傳於世宋興洛中諸公繼而

為之者凡再矣皆圖形普明僧舍普明樂天之故第也

宋妙覺僧舍

耆英會序元豐中潞國文公留守西都韓國

富公納政在里第集士大夫老而賢者於韓公之第置酒

相樂凡十有一人既而圖形妙覺僧舍時人謂之洛陽耆  
 英會宣徽王公方留守此都願寓名其間光未及七十用  
 狄監盧尹故事亦預於會

按耆英會富韓公彌七十九文潞公彥博七十七席司  
 封汝言七十七王安之尚恭七十六趙南正丙七十五  
 劉伯壽凡七十五馮肅之行已七十五楚正叔建中七  
 十二王不疑謹言七十二張昌言問七十張景先燾七  
 十王公拱辰七十司馬温公光未七十亦與會又文彥  
 博與程大中公珣司馬郎中旦席司封汝言年皆七十  
 八作同甲會文彥博有詩曰四人三百二十歲况是同  
 庚甲子年占得梁園為賦客合戒商嶺採芝仙清談豐  
 疊月生席素髮蓬蓬雪滿肩此會將來誠未有洛中應  
 作畫圖傳司馬温公又作真率會與司馬旦席汝言王  
 尚恭楚建中王謹言叔達七人為會温公為約曰序齒  
 不序官具務簡素朝夕食不過五味菜果脯鹽之類各  
 不過十噐酒巡無笑深淺自酌主人不勸客亦不辭逐  
 巡無下酒時作菜羹不禁召客共用一簡客注可否於

字下不別作簡或因事分簡者聽會日早起不待促違約者每事罰一巨觥會中楚正叔多飲食品罰一會時司馬旦席汝言年皆七十八計同甲真率諸公之年二會俱在耆英會後一歲

隋宮元壇 大業雜記景運門內道右有惠日法雲二道場

### 通真玉清二元壇

按闕尹喜傳尹喜結草為樓精思至道周康王聞之拜為大夫以可視望故號此宅為闕令仙人觀即觀之始也淵鑑類函曰樓觀本尹喜之居有草樓焉後人創立道宮又曰樓觀至隋煬帝改為元壇

唐元元觀 舊唐書太微宮使柳璨奏元元觀在北山請拆

入都城于清化坊內建置太微宮以備車駕行事從之

按唐北山上元元觀亦曰元元皇帝廟工部有詩今為上清宮乃明伊王妃方氏建正殿梁柱及瓦皆範鐵為

之人稱鐵瓦殿

唐凌空觀

唐書葉法善自言生隋大業丙子三世為道士

嘗於凌空觀設壇醮祭都人往觀俄見數十人自投火中

眾大驚法善笑曰此為魅所憑以吾法所攝而然耳問之

果病後愈

宋通元觀

金石攷通元觀朗然子劉希岳悟真詩政和元

年立後燬於兵金天德二年重刻

按通元觀在洛水南今名樓霞宮即朗然子飛昇處

金長生觀

元遺山集紫虛大師墓碑畧云崑崙子諱道顯

出于文登于氏過洛陽得劉君舊廬葺居之是謂長生觀

正大中提點亳州太清宮賜紫虛大師衛致夷以某年月

日莖師於洛陽長生觀

金玉虛觀

李通志

觀在府治東南金大定間建明洪武十

五年置道紀司於內

按玉虛觀在玉皇閣閣下為雷神洞

元九真觀

李通志

觀在府城南舊有東華正陽純陽海蟾

重陽丹陽長真長春九真塑像在內

按九真觀元時道流買安樂窩因九賢祠改九真觀今復為安樂窩矣

元岱嶽觀

李通志

觀在府城東郭元元統間始建初為通

仙觀至元五年改今名

以上洛陽

河南府志卷之七十五終